

春秋左傳詁

冊二





春秋左傳詁五

南菁書院

陽湖洪亮吉稚存著

傳

惠公元妃孟子

**詁**

諡法愛人好與曰惠又曰柔質慈民曰惠史記魯

世家惠公名弗涅世本作弗皇陸德明釋文作不皇春秋元命包

元首也詩闕宮建爾元子毛傳亦同傳曰嘉耦曰妃爾雅釋詁孟

長也張揖廣雅釋詁孟始也世本宋子姓

杜本此

孟子卒

**詁**

服虔云

重言孟子者嫌與惠公俱卒故重言之

本疏

鄭元禮記注卒終也劉

熙釋名卒竟也繼室以聲子

**詁**

呂覽上德篇高誘注繼續也王逸

楚辭注同禮記三十壯有室鄭元注有室有妻稱室也諡法不生

其國曰聲服虔云聲子之諡非禮也

杜佑通典引

生隱公

**詁**

諡法隱拂

不成曰隱又不顯尸國曰隱又見美堅長曰隱世本隱公名息姑

史記止作息宋武公生仲子

**詁**

史記宋世家乃命微子開代殷後

國于宋世本宋更名睢陽諡法剛強直理曰武又威強敵德曰武

又克定禍亂曰武又刑民克服曰武又夸志多窮曰武鄭元禮記

注仲中也一切經音義引韓詩同言位在中也仲子生而有文在

其手註王充論衡雷虛篇紀妖篇並作有文在其掌自然篇仍作

手字按古掌字本作爪說文爪从反爪孟子母仇氏仇即爪之誤

也曰為魯夫人註史記周本紀封弟周公曰于曲阜曰魯應劭曰

曲阜在魯城中委曲阜七八里曲禮曰諸侯曰夫人鄭元注夫之

言扶釋名諸侯之妃曰夫人夫扶也扶助其君也故仲子歸于我

註詩毛傳婦人謂嫁曰歸鄭元禮記注歸謂歸夫家也虞翻易注

歸嫁也杜本此生桓公而惠公薨註諡法辟土服遠曰桓又克敬勤

民曰桓又辟土兼國曰桓是以隱公立而奉之註賈逵云隱立桓

為太子奉以為君本疏稱賈逵解註鄭眾以為隱公攝立為君奉桓為太

子同上按杜注亦本賈義惟正義以奉以為君為賈之妄不知賈實

依經為訓使國人知桓有君道而奉之非隱以君禮奉桓也周禮

鄭注奉猶進也廣雅奉持也又云奉獻也是奉皆有尊崇之義故

賈云奉以為君耳

隱公元年春王周正月不書即位攝也說文攝引持也鄭元周禮

注攝訓為代或云攝假也

杜本

賈服之徒以為四公皆實即位孔

子修經乃有不書

杜本

劉賈穎為傳文生例云恩深不忍則傳言不

稱恩淺可忍則傳言不書

同上

賈氏云不書隱即位所以惡桓之篡

例釋

三月公及邾儀父盟于蔑邾子克也未王命故不書爵曰儀

父貴之也

釋文一本無故字

**註**賈服以為北杏之會時已得王命杜本服虔

云爵者醮也所以醮盡其材也

同上

公攝位而欲求好於邾故為蔑

之盟夏四月費伯帥師城郎

**註**

說文郎魯亭也

杜本

不書非公

命也

初鄭武公娶于申曰武姜

**註**

地理志南陽郡宛故申伯國

杜本

賈逵云凡言初者隔其年後有禍福將終之乃言初也

杜本

虎通娶者取也按釋文本娶多作取生莊公

莊又兵甲亟作曰莊又勝敵志彊曰莊及共叔段

出奔無人與之為諡今攷魯之穆伯晉之欒懷子皆出奔見殺得

有諡叔段莊公母弟雖出奔得追諡可知杜云段出奔共故云共

叔則虞公出奔共池亦當謂之共乎明當以賈服為長也莊公寤

生註按應劭風俗通不舉寤生子俗說兒墮地未可開目便能視

者謂寤生是寤生始生即開目者又南涼錄慕容德傳德母晝寢

而生德父號曰此兒易生如鄭莊公則又以易生為寤生今考杜

注以莊公因寤寐而生則與慕容德正同故注義亦與德父號之

言相似驚姜氏故名曰寤生遂惡之愛共叔段欲立之亟請於武

公公弗許及莊公即位為之請制註京相璠曰制鄭邑

志河南郡成皋故虎牢或曰制杜本按杜注地理多取京相璠說

此水經地理

公曰制巖邑也

釋文巖本又作巖

**註**爾雅釋山巖巉巖山貌也按成皋四

面皆山故曰巖邑號叔死焉**註**地理志河南郡滎陽應劭曰故號

國今號亭是也

杜本此

按地理志又云子男之國號會為大特勢與

險鄭語史伯亦云號叔恃險此即號叔恃巖邑之證佗邑惟命請

京

**註**賈逵云京鄭都邑

史記集解

地理志河南郡京師古曰即鄭共叔

段所居也

杜取此

使居之謂之京城大叔祭仲曰都城過百雉國之

害也

**註**賈逵馬融鄭元王肅之徒為古學者皆云雉長三丈

本古

春秋左氏說云百雉為長三百丈方五百步

禮記疏

左氏說一丈為

板板廣二尺五板為堵一堵之牆長丈高丈三堵為雉一雉之牆

長三丈高一丈以度其長者用其長以度其高者用其高也

本疏引五

經異義

按諸說不同杜蓋取賈說先王之制大都不過參國之一中

五之一小九之一

**註**周書作雉解大縣立城方王城三之一小縣

立城方王城九之一不舉中從可知案與祭仲之言適合所謂先

王之制也今京不度說文度法制也杜本非制也君將不堪公

曰姜氏欲之焉辟害對曰姜氏何厭之有不如早為之所無使滋

蔓說文服虔云滋益也蔓延也謂無使其益延長也衆經音義蔓難圖也

蔓草說文蔓葛屬按葛屬皆延藤故上云滋蔓猶不可除況君

之寵弟乎公曰多行不義必自斃說文斃頓仆也斃或从死韋

昭國語注斃踣也杜本子姑待之詩毛傳姑且也杜本既而大

叔命西鄙北鄙貳於己說文按周語百姓攜貳韋昭注貳二心也此

貳于己義亦當然杜注云兩屬蓋望文生訓非本義公子呂曰國

不堪貳君將若之何欲與大叔臣請事之若弗與則請除之無生

民心公曰無庸將自及大叔又收貳以為己邑至于廩延說文

鄭鄭地今本作延案下傳晉侯伐鄭及鄭唐開成石經本即作鄭

三國魏志袁紹渡延津追擊魏武即此道元云河水自酸棗縣又

東北通謂之延津杜亦子封曰可矣厚將得衆公曰不義不暱厚



將崩 **詰** 說文黏也春秋傳曰不義不黏按今本作暱暱與黏音

同又假借字今考不黏之義正與將崩相屬自當以黏黏為長杜

訓親暱失之又按考工記凡昵之類不能方鄭司農云故書昵或

作櫛杜子春云櫛讀為不義不昵之昵或為黏黏黏也賈公彥引

左傳亦作昵李善文選注引左傳同吾友陳樹華云唐元度九經

字樣黏字注音相黏也見春秋則知唐時尚有作黏者大叔完聚

**詰** 服虔以聚為聚禾黍也 本疏 按完聚以服說為長杜云城郭人民

失之繕甲兵具卒乘 **詰** 說文繕補也廣雅繕治也三蒼同高誘呂

覽注步曰卒衆經音義引三蒼載曰乘 杜本 此 **將襲鄭** **詰** 白虎通德

論襲者何謂也行不假塗掩人不備也夫人將啓之 **詰** 說文后開

也 杜本 此 **公聞其期曰可矣命子封帥車二百乘以伐京** **詰** 司馬法

兵車一乘甲士三人步卒七十二人 杜本 此 炊家子十人固守衣裝

五人廩養五人樵汲五人輕車七十五人重車二十五人故二乘



兼一百人為一隊京叛大叔叔段入于鄆公伐諸鄆五月辛丑大

叔出奔共

**註**賈逵曰共國名

史記地理志河內郡共故國

此杜本書

曰鄭伯克段于鄆段不弟故不言弟如二君故曰克稱鄭伯譏失

教也謂之鄭志不言出奔難之也

**註**服虔云公本欲養成其惡而

加誅使不得生出此鄭伯之志意也

本疏杜取此

遂寘姜氏于城穎

虞翻易注寘置也釋文同賈逵云鄭地

杜取

按水經注洧水南有

鄭莊公望母臺而誓之曰不及黃泉

**註**

服虔云天元地黃泉在地

中故曰黃泉

史記集解杜本此

一曰泉注地中故曰黃泉也

李善文選注

無相

見也既而悔之穎考叔為穎谷封人

**註**

賈逵云穎谷鄭地

同水經上

穎水出穎川陽城縣西北少室山酈道元云穎水有三源奇發右

水出陽乾山之穎谷春秋穎考叔為其封人按廣韻穎禾末也穗

也又姓左傳有穎考叔今攷穎考叔以穎谷得名謂作穎誤聞之

有獻於公公賜之食食舍肉公問之對曰小人有母皆嘗小人之

食矣未嘗君之羹請以遺之詰爾雅肉謂之羹字林腩肉有汁也

公曰爾有母遺繫我獨無詰按僖五年服虔注繫發聲也則此亦

當同杜注云語助即取此義類考叔曰敢問何謂也公語之故且

告之悔對曰君何患焉若闕地及泉詰詩蟋蟀掘閱鄭箋掘地解

閱謂其始生也管子山權發篇北郭有掘闕而得龜者尹知章注

掘穿也求物及穿地至泉曰闕吾友桂馥云掘閱掘闕即左氏闕

地之義隧而相見詰賈逵國語注闕地通路曰隧鄭元禮記注隧

延道也杜本此聲類埏墓隧也文選後漢書陳蕃傳不閉埏隧其誰

曰不然公從之公入而賦大隧之中其樂也融融詰惠棟補注曰

融古文作形張衡思元賦展洩洩以形形李善注引左傳鄭莊公

入而賦大隧之中其樂也形形融與形古字通按殷阮碑亦以形

為融姜出而賦大隧之外其樂也泄泄詰服虔云入言公出言姜

明俱出入互相見本疏思元賦舊注泄泄形形皆和貌按泄泄諸本皆

作洩因避唐諱今訂正下同遂為母子如初君子曰穎考叔純孝

也詁爾雅純大也詩毛傳同愛其母施及莊公詩曰孝子不匱詁

鄭元禮記注匱乏也永錫爾類詁王逸楚辭章句類法也詩云永

錫爾類其是之謂乎 秋七月天王使宰咺來歸惠公仲子之賵

緩且子氏未薨故各天子七月而葬同軌畢至詁鄭元服虔皆以

軌為車轍也本疏說文同諸侯五月同盟至大夫三月同位至士踰

月外姻至詁說文姻婿家也女之所因婚婦家也按散言之則並

通故詩曰懷婚姻也周禮睦嫺鄭注姻親於外親也嫺姻古字通

杜注姻猶親也本此贈死不及尸弔生不及哀豫凶事諸本或作預

改詁高誘淮南王書注韋昭國語注並云豫備也非禮也 八月

紀人伐夷詁應劭漢書注劇縣故紀侯國今紀亭是杜本夷不告

故不書 有蜚不為災亦不書詁說文蜚臭蟲負蟻也杜本惠

公之季年敗宋師于黃詁地理志陳留郡外黃臣瓚曰縣有黃溝

故氏之也杜亦同公立而求成焉九月及宋人盟于宿始通也 冬

十月庚申改葬惠公賈逵云改備禮也公弗臨賈逵云

葬嗣君之事公弗臨言無恩禮曰改葬總也同故不書惠公之薨

也有宋師大子少詒服虔以為宋師即黃之師也是時宋來伐魯

公自與戰本葬故有闕賈逵云言是以禮闕故是以改葬

衛侯來會葬不見公亦不書地理志河內郡朝歌紂所都周武

王弟康叔所封更名衛杜本鄭共叔之亂公孫滑出奔衛衛人

為之伐鄭取廩延鄭人以王師虢師伐衛南鄙地理志宏農郡

陝故虢國北虢在大陽東虢在滎陽西虢在維杜本請師于邾邾

子使私于公子豫豫請往公弗許遂行及邾人鄭人盟于翼不書

非公命也 新作南門不書亦非公命也 十二月祭伯來非王

命也 衆父卒公不與小斂故不書賈逵云不與大斂則不

書卒本

二年春公會戎于潛修惠公之好也戎請盟公辭莒子娶于向向

姜不安莒而歸夏莒人入向以姜氏還司空無駭入極費夙諸本

誤作夙字今父勝之戎請盟秋盟于唐復修戎好也九月紀

裂繻來逆女卿為君逆也冬紀子帛莒子盟于密魯故也鄭

人伐衛討公孫滑之亂也

三年春王三月壬戌平王崩赴以庚戌故書之夏君氏卒聲子也

不赴于諸侯不反哭于寢不祔于此上三字諸本皆誤姑故不

曰薨不稱夫人故不言葬不書姓為公故曰君氏鄭武公莊公

為平王卿士詁賈逵云卿士之有事者六卿也御覽王貳于號鄭伯

怨王王曰無之故周鄭交質詁韋昭國語注質信也王子狐詁賈

逵云周平王之子同上杜為質於鄭鄭公子忽詁賈逵云鄭莊公

太子忽也同說文囙出氣詞也从日象氣出形春秋傳曰鄭太子

芻按古今人表仲忽作中芻揚雄傳于時人皆芻之漢樊敏碑奄

咎滅形習乃古忽字爲質於周王崩周人將昇號公政詁詩毛傳

昇與也釋文同四月鄭祭足帥師取温之麥詁賈逵云温周地名

蘇氏邑也同漢書地理志河內郡温故國己姓蘇忿生所封也按

云四月云秋皆舉夏時而言杜注非也秋又取成周之禾詁地理

志河南郡洛陽是爲成周杜本周鄭交惡君子曰信不由中質無

益也明怒而行要之以禮雖無有質誰能閒之苟有明信詩正義

傳作澗谿沼沚之毛詁爾雅山夾水澗山續無所通谿說文同按

杜注云谿亦澗誤詩毛傳沼池也沚渚也廣雅毛草也詩采繁傳

引此毛卽作草杜本蘋蘩蕓藻之菜詁詩毛傳蘋大萍也蘩皤蒿

也藻聚藻也按杜注蘊藻聚藻也是訓蘊爲聚非毛傳意今攷顏

氏家訓書證篇引郭注三蒼云蘊藻之類也則蘊亦水草不可空

訓作聚且尋上下文義澗谿沼沚筐筥錡釜皆四者並舉况蘊字

从草何得空訓作聚杜氏之說疎矣筐筥錡釜之器詁詩毛傳方



曰筐員曰筥有足曰鑄無足曰釜杜並本此潢汙行潦之水註服虔云

畜小水謂之潢水不流謂之汙行潦道路之水是也本疏一云水不

泄謂之汙文選注可薦於鬼神可羞於王公註鄭元周禮注薦羞皆

進也未食未飲曰薦既食既飲曰羞按此傳于鬼神言薦于王公

言羞蓋卽此意杜羞字注本此而况君子結二國之信行之以禮

又焉用質風有采繫采蘋雅有行葦洞酌昭忠信也 武氏子來

求賻王未葬也 宋穆公疾召大司馬孔父而屬殤公焉註謚法

短折不成曰殤曰先君舍與夷而立寡人寡人弗敢忘若以大夫

之靈註辭綜東京賦注靈明也得保首領以沒註說文物終也从

肉勿聲故字注云故或从彡先君若問與夷其將何辭以對請子

奉之以主社稷寡人雖死亦無悔焉對曰羣臣願奉馮也公曰不

可先君以寡人爲賢使主社稷若弃德不讓是廢先君之舉也豈

曰能賢光昭先君之令德可不務乎吾子其無廢先君之功使公



子馮出居于鄭八月庚辰宋穆公卒殤公即位君子曰宋宣公

諡法聖善周聞曰宣可謂知人矣立穆公其子饗之命以義夫商

頌曰殷受命咸宜百祿是何石經及諸本作荷今其是之謂乎

冬齊鄭盟于石門尋盧之盟也按哀十二年傳服虔注尋之言

重也温也義當同此地理志泰山郡盧郡國志屬濟北國杜本庚

戌鄭伯之車僨于濟服虔云僨仆也漢書按釋文取服說水經

濟水出河東垣縣東王屋山為沆水至鞏縣北入于河衛莊公

娶于齊東宮得臣之妹服虔云得臣齊世子名居東宮詩疏杜

曰莊姜美而無子衛人所為賦碩人也又娶于陳地理志淮陽

國陳故國舜後胡公所封杜本曰厲嬀諡法暴慢無親曰厲世

本陳嬀姓生孝伯早死其娣戴嬀生桓公諡法典禮無愆曰戴

莊姜以為己子公子州吁嬖人之子也說文嬖便嬖愛也有寵

而好兵公弗禁廣雅禁止也莊姜惡之石喈諫曰賈逵云衛

上卿史記集解按說文無磻字當作啗說文諧大聲也諧或从啗今本

磻字當屬啗傳寫之譌又熹平石經作踏廣韻踏敬也按莊十九

年敗黃師于踏陵石啗字或从此今定从啗臣聞愛子教之以義

方詁廣雅方義也何晏論語注方義方也弗納于邪驕奢淫佚詁

說文洪水所蕩洪也按此喻人性蕩洪如水所自邪也四者之來

詁服虔云言此四者過從邪起本疏寵祿過也將立州吁乃定之矣

若猶未也階之為禍夫寵而不驕驕而能降降而不感感而能矜

者鮮矣詁鄭元禮記注感恨也釋文本此按感字下已从心再加

心旁非是今諸刊本皆誤作憾此从石經宣十一年二感往矣成

二年釋感等字尚皆作感因據改下並同說文矜目有所恨而止

也按爾雅釋言矜重也釋文本此且夫賤妨貴少陵長遠間親新

間舊小加大淫破義所謂六逆也君義臣行父慈子孝兄愛弟敬

所謂六順也去順效逆所以速禍也君人者將禍是務去而速之

無乃不可乎弗聽其子厚與州吁游禁之不可桓公立乃老

四年春衛州吁弑桓公而立公與宋公為會將尋宿之盟未及期衛

人來告亂 夏公及宋公遇于清 宋殤公之即位也公子馮出

奔鄭鄭人欲納之及衛州吁立將修先君之怨於鄭 **詁** 服虔以先

君為莊公 本疏 一二云隱二年鄭人伐衛先君莊公 詩疏 按州吁弑桓公

必不更為之修怨此先君服說指莊公最是杜注非也而求寵於

諸侯以和其民使告於宋曰君若伐鄭以除君害 **詁** 服虔云公子

馮將為君之害 詩疏 君為主敝邑以賦 **詁** 服虔云賦兵也以田賦出

兵故謂之賦 同上 與陳蔡從則衛國之願也宋人許之於是陳蔡方

睦於衛 **詁** 地理志汝南郡上蔡故蔡國 杜本 故宋公陳侯蔡人衛

人伐鄭 **詁** 服虔云衛使宋為主使大夫將故敘衛于陳蔡下 同詩上

序使公孫文仲將而平陳與宋按詩序蓋本毛傳孫子仲謂公孫

文仲也圍其東門五日而還公問於衆仲曰衛州吁其成乎對曰

臣聞以德和民不聞以亂以亂猶治絲而棼之也

**詁**廣雅粉粉亂

也粉棼古字通釋文亦云棼亂也夫州吁阻兵而安忍

**詁**文選注

引此傳文并杜注云阻恃也今杜注無之則此三字或係服注阻

兵無衆安忍無親衆叛親離難以濟矣夫兵猶火也弗戢

**詁**詩鄭

箋戢斂也將自焚也夫州吁弑其君而虐用其民於是乎不務令

德而欲以亂成必不免矣 秋諸侯復伐鄭宋公使來乞師公辭

之羽父請以師會之公弗許固請而行故書曰翬帥師疾之也諸

侯之師敗鄭徒兵取其禾而還 州吁未能和其民厚問定君於

石子石子曰王覲爲可曰何以得覲曰陳桓公方有寵於王陳衛

方睦若朝陳使請必可得也厚從州吁如陳石喆使告於陳曰衛

國褊小

**詁**

王逸楚辭章句褊狹也老夫耄矣

**詁**

說文年九十曰耄

从老从高省玉篇收耄耄二字耄字下注與上同亦作耄五經文

字耄字从老省从毛今从釋文及石經作耄後同按經典通作庶

周禮再赦曰老旄禮記旄期稱道不亂者孟子反其旄倪是也又作眊漢書武帝紀哀夫老眊孤寡鰥獨平帝紀及眊悼之人師古

曰眊古耄字八十曰眊是耄耄耄旄眊本一字古通無能為也此

二人者實弑寡君敢即圖之陳人執之而請涖于衛詁鄭元儀禮

注蒞臨也下並同九月衛人使右宰醜涖殺州吁于濮詁服虔云

右宰醜衛大夫濮陳地史記集解石喈使其宰孺羊肩涖殺石厚于陳

君子曰石喈純臣也惡州吁而厚與焉大義滅親其是之謂乎

衛人逆公子晉于邢詁賈逵云邢周公之允姬姓國同冬十二月

宣公即位書曰衛人立晉衆也

五年春公將如棠觀魚者詁釋文本亦作漁者臧僖漢書作釐伯諫曰詁

世本臧僖伯彊孝公之子孝公生僖伯彊彊生哀伯達達生伯氏

瓶瓶生文仲本疏及莊二十八年疏凡物不足以講大事其材不足以備

器用則君不舉焉君將納民於軌物者也詁廣雅軌道也高誘淮

南王書注軌者法度之名故講事以度軌量謂之軌取材以章物

采謂之物不軌不物謂之亂政亂政亟行所以敗也故春蒐釋文云本

亦作廋音蒐齊語春以狡振旅亦作搜李善文選注蒐與搜古字通漢書多作搜**詁**爾雅春獵為蒐夏獵

為苗秋獵為獮冬獵為狩按蒐亦作搜鄭元禮記注曰春獵為搜

夏苗秋獮**詁**釋文曰獮說文作獮殺也按今說文作獮秋田也从

犬爾雅聲冬狩皆於農隙以講事也三年而治兵入而振旅**詁**國語

蒐于農隙韋昭注隙間也薛綜西京賦注振整理也爾雅旅衆也

杜並本此歸而飲至以數軍實**詁**鄭氏云軍所以討獲曰實文選昭文

章**詁**服虔解此亦引司馬職文明是旌旗所建用秋辨旗物之法

本疏明貴賤辨等列**詁**小爾雅列女也順少長習威儀也鳥獸之肉

不登於俎釋文之肉一本**詁**服虔以上登為升下登為成本疏廣雅俎

几也皮革齒牙骨角毛羽不登于器則公不射公當古之制也若

夫山林川澤之寶器用之資阜隸之事官司之守非君所及也公



曰吾將略地焉說文略經略土地也遂往陳魚而觀之僖伯稱

疾不從書曰公矢魚于棠非禮也且言遠地也 曲沃莊伯以鄭

人邢人伐翼地理志河東郡聞喜故曲沃晉武公自晉陽徙此

趙國襄國故邢國又河東郡絳晉武公自曲沃徙此郡國志河東

郡絳邑有翼城杜並本此王使尹氏武氏助之翼侯奔隨章昭國語

注隨晉邑杜本此按山西圖經隨城在今介休縣東 夏葬衛桓公

衛亂是以緩 四月鄭人侵衛牧按爾雅郊外謂之牧非邑名

與下伐宋入其郛同前年伐鄭圍其東門故鄭亦侵其牧地以報

之又衛地無名牧者若云朝歌之牧野則亦不可僅名為牧明杜

注非也以報東門之役衛人以燕師伐鄭地理志東郡南燕本

南燕國姑姓黃帝後杜本此鄭祭足原繁泄駕以三軍軍其前使曼

伯與子元潛軍軍其後燕人畏鄭三軍而不虞制人詩鄭箋虞

度也六月鄭二公子以制人敗燕師于北制君子曰不備不虞不



可以師 曲沃叛王秋王命虢公伐曲沃而立哀侯于翼 衛之

亂也邾人侵衛故衛師入邾 九月考仲子之宮將萬焉 **詁** 初學

記稱韓詩萬大舞 此杜本 公問羽數於衆仲對曰天子用八諸侯用

六大夫四士二 **詁** 服虔云天子八八諸侯六八大夫四八士二八

宋書及通志 服以用六為六八四十八人大夫四為四八三十二士二

為二八十六 本疏 按宋傅隆之二云若如杜注至士祇餘四人豈復成

樂參詳以服說為是夫舞所以節八音而行八風 **詁** 賈逵云兌為

金為閭闔風也乾為石為不周風也坎為革為廣莫風也艮為匏

為融風也震為竹為明庶風也巽為木為清明風也離為絲為景

風也坤為土為涼風也 本疏四十九杜略取此 按賈依易緯通卦驗文相配

服虔以為八卦之風乾音石其風不周坎音革其風廣莫艮音匏

其風融震音竹其風明庶巽音木其風清明離音絲其風景坤音

土其風涼兌音金其風閭闔 本疏 故自八以下公從之於是初獻六

羽始用六佾也 宋人取邾田邾人告於鄭曰請君釋感於宋敝

邑為道鄭人以王師會之伐宋入其郛註韋昭國語注郛郭也杜本

此以報東門之役宋人使來告命公聞其入郛也將救之問於使

者曰師何及對曰未及國公怒乃止辭使者曰吾命寡人同恤社

稷之難今問諸使者曰師未及國非寡人之所敢知也 冬十二

月辛巳臧僖伯卒公曰叔父有感於寡人寡人弗敢忘葬之加一

等 宋人伐鄭圍長葛以報入郛之役也

六年春鄭人來渝平更成也註服虔云公為鄭所獲釋而不結平於

是更為約束以結之故曰渝平本按經書渝平傳曰更成今服注

更為約束云云是服亦訓渝為更與張揖同 翼九宗五正頃父

之子嘉父逆晉侯于隨納諸鄂註世本居篇云唐叔虞居鄂宋忠

曰晉地今在大夏晉人謂之鄂侯 夏盟于艾始平于齊也 五

月庚申鄭伯侵陳大獲往歲鄭伯請成于陳陳侯不許五父諫曰

親仁善鄰國之寶也君其許鄭陳侯曰宋衛實難鄭何能為遂不

許君子曰善不可失惡不可長其陳桓公之謂乎長惡不悛從自

及也註章昭國語注悛止也詩鄭箋從隨也杜本雖欲救之其將

能乎商書曰惡之易也如火之燎于原不可鄉邇註按莊十五年

傳引商書亦有惡之易也四字今盤庚無之其猶可撲滅周任有

言曰為國家者見惡如農夫之務去草焉芟夷蕪崇之註說文發

以足蹋夷草春秋傳曰發夷蕪崇之按鄭司農周禮稻人注已作

芟夷蕪崇之與說文異詩毛傳除草曰芟廣雅曰夷滅也蕪積也

崇聚也杜本絕其本根勿使能殖註章昭國語注殖長也則善者

信矣 秋宋人取長葛 冬京師來告饑公為之請糴註廣雅糴

買也於宋衛齊鄭禮也 鄭伯如周始朝桓王也王不禮焉周桓

公言於王曰我周之東遷晉鄭焉依善鄭以勸來者猶懼不旣註

說文旣草多兒按玉篇廣韻旣已也盡也古旣旣字通杜注旣至

也亦屬同義況不禮焉鄭不來矣

七年春滕侯卒不書名未同盟也凡諸侯同盟於是稱名故薨則赴

以名告終稱嗣也以繼好息民謂之禮經 夏城中丘書不時也

齊侯使夷仲年來聘結艾之盟也 秋宋及鄭平七月庚申盟

于宿公伐邾爲宋討也 初戎朝于周發幣于公卿鄭元禮記

注幣帛也凡伯弗賓服注云戎以朝禮及公卿大夫發陳其幣

凡伯以諸侯爲王卿士不修賓王之禮敬報于戎是以冬天王使

凡伯來聘還戎伐之于楚丘以歸儀禮冬王使凡伯來聘還戎伐

之于楚丘以歸 陳及鄭平十二月陳五父如鄭洺盟壬申及鄭

伯盟敵如忘服虔云如而也臨敵而忘其盟載之辭言不精也

本說文引作敵而忘泄伯曰五父必不免不賴盟矣鄭良佐如陳

洺盟辛巳及陳侯盟亦知陳之將亂也 鄭公子忽在王所故陳

侯請妻之鄭伯許之乃成昏鄭元儀禮昏禮目錄士娶妻之禮

以昏為期故以名焉

八年春齊侯將平宋衛有會期宋公以幣請於衛請先相見衛侯許

之故遇于犬丘 鄭伯請釋泰山之祀而祀周公以泰山之祊易

許田三月鄭伯使宛來歸祊公羊祊皆作邴下同不祀泰山也 夏虢公忌

父始作卿士于周 四月甲辰鄭公子忽如陳逆婦媯辛亥以媯

氏歸甲寅入于鄭陳鍼子送女先配而後祖註賈逵云以配為成

夫婦也禮齊而未配三月廟見然後配本鄭眾以配為同牢食也

先食而後祭祖無敬神之心故曰誣其祖也同鄭康成以祖為祊

道之祭也先為配匹而後祖道言未去而行配同賈服之義大夫

以上無問舅姑在否皆三月見祖廟之後乃始成昏故譏鄭公子

忽先為配匹乃見祖廟禮記疏鍼子曰是不為夫婦誣其祖矣非禮

也何以能育 齊人卒平宋衛于鄭秋會于温盟于瓦屋以釋東

門之役禮也 八月丙戌鄭伯以齊人朝王禮也 公及莒人盟

于浮來以成紀好也 冬齊侯使來告成三國公使衆仲對曰君

釋三國之圖以鳩其民詁爾雅鳩聚也君之惠也寡君聞命矣敢

不承受君之明德 無駭卒羽父請諡與族公問族於衆仲衆仲

對曰天子建德因生以賜姓詁王充論衡因其所生賜之姓也若

夏吞薏苡而生則姓苡氏商吞燕子而生則姓子氏周履大人跡

則姓姬氏胙之士詁薛綜東京賦注胙報也而命之氏諸侯

以字爲諡詁服虔云公之母弟則以長幼爲氏貴適統伯仲叔季

是也庶公子則以配字爲氏尊公族展氏臧氏是也本疏鄭康成駁

許慎五經異義引此傳文諸侯以字爲氏惠棟云今此以氏作諡

者傳寫誤也杜考之不詳乃妄斷其句而強解之按據服注及五

經駁義則諡爲氏字之誤甚明第承譌已久未敢更定今不以字

字絕句而以諡字爲句讀者詳之因以爲族官有世功則有官族

邑亦如之詁服虔止謂異姓又引宋司城韓魏爲證本公命以字



為展氏

九年春王三月癸酉大雨霖以震書始也庚辰大雨雪亦如之書時

失也凡雨自三日以往為霖鄭元禮記注作三日以上**詁**爾雅久雨謂之淫淫

雨謂之霖平地尺為大雪 夏城郎書不時也 宋公不王鄭伯

為王左卿士以王命討之伐宋宋以入郟之役怨公不告命公怒

絕宋使 秋鄭人以王命來告伐宋 冬公會齊侯于防謀伐宋

也 北戎侵鄭鄭伯禦之患戎師曰彼徒我車懼其侵軼我也**詁**

高誘淮南王書注自後過前日軼公子突曰使勇而無剛者嘗寇

**詁**鄭元禮記注嘗猶試也杜本此而速去之君為三覆以待之戎輕

而不整**詁**鄭元禮記注整正列也貪而無親勝不相讓敗不相救

先者見獲必務進**詁**服虔云先者見獲言必不往相救各自務進

言其貪利也本疏進而遇覆必速奔後者不救則無繼矣乃可以逞

**詁**方言逞解也廣雅呈解也呈與逞通杜本此從之戎人之前遇覆



者奔祝聃逐之

諸本作聃今從釋文石經訂正

夷戎師

韋昭國語注衷中也按

謂貫其中也前後擊之盡殪

說文殪死也

杜本此

戎師大奔十一

月甲寅鄭人大敗戎師

十年春王正月公會齊侯鄭伯于中丘癸丑盟于鄧為師期

夏五

月羽父先會齊侯鄭伯伐宋

六月戊申公會齊侯鄭伯于老桃

壬戌公敗宋師于菅庚午鄭師入郕辛未歸于我庚辰鄭師入防

辛巳歸于我君子謂鄭莊公於是乎可謂正矣以王命討不庭

爾雅庭直也按謂諸侯之不直者杜注殊屬曲說韋昭周語注即

云庭直也不直謂不道也不貪其土以勞王爵

杜本

此正之體也

蔡人衛人邾人不會王命

秋七月庚寅鄭師入

郊猶在郊宋人衛人入鄭蔡人從之伐戴

公穀皆作載釋文曰伐載音再

八月壬

戌鄭伯圍戴癸亥克之取三師焉宋衛既入鄭而以伐戴召蔡人

蔡人怒故不和而敗

九月戊寅鄭伯入宋

冬齊人鄭人入邾

討違王命也

十一年春滕侯薛侯來朝爭長註服虔云爭長先登授玉儀禮疏薛侯

曰我先封滕侯曰我周之卜正也薛庶姓也我不可以後之公使

羽父請於薛侯曰君與滕君辱在寡人周諺有之曰註鄭元禮記

注諺俗語也釋文本此山有木工則度之註爾雅木謂之度亦作

劇廣雅云劇分也按郭璞引此傳文即云山有木工則劇之賓有

禮主則擇之周之宗盟註賈逵以宗為尊本疏服虔以宗盟為同宗

之盟同上孫毓以為宗伯屬官掌作盟詛之載辭故曰宗盟同上異姓

為後寡人若朝于薛不敢與諸任齒註世本氏姓篇任姓謝章薛

呂舒祝終泉畢過此十國皆任姓高誘呂覽注齒列也杜本此君若

辱貶寡人註詩毛傳貶賜也則願以滕君為請薛侯許之乃長滕

侯 夏公會鄭伯于邾註水經注引此傳邾作釐京相璠曰今滎

陽縣東四十里有故釐城也杜本此按唐石經初刻作于時邾後刊

去時字謀伐許也鄭伯將伐許五月甲辰授兵于大宮公孫閱與  
穎考叔爭車穎考叔挾輶以走註服虔云考叔挾車輶箠馬而走

本鄭元儀禮注輶輶也杜本此子都拔棘以逐之註詩鄭箋棘戟也

杜本此及太逵註爾雅九達謂之達按杜注道方九軌蓋本考工記

然以軌訓達殊誤下桓十四年傳等並同弗及子都怒 秋七月

公會齊侯鄭伯伐許庚辰傅于許註晉灼漢書注傅著也穎考叔

取鄭伯之旗螯弧以先登子都自下射之顛註詩毛傳顛仆也瑕

叔盈又以螯弧登周麾而呼曰註詩鄭箋周徧也王逸楚辭章句

舉手曰麾杜本此君登矣鄭師畢登壬午遂入許許莊公奔衛齊侯

以許讓公公曰君謂許不共故從君討之許既伏其罪矣雖君有

命寡人弗敢與聞乃與鄭人鄭伯使許大夫百里奉許叔以居許

東偏曰天禍許國鬼神實不逞于許君而假手于我寡人寡人惟

是一二父兄不能共億註鄭元周禮注共猶給也韋昭國語注億

安也杜本此其敢以許自為功乎寡人有弟不能和協爾雅協和

也而使餬其口於四方說文餬寄食也方言寄食為餬廣雅餬

寄也其況能久有許乎吾子其奉許叔以撫柔此民也吾將使獲

也佐吾子若寡人得沒于地天其以禮悔禍于許無甯茲許公復

奉其社稷惟我鄭國之有請謁焉爾雅謁告也杜本此如舊昏媾

爾雅婦之父曰昏賈逵國語注重昏曰媾一切經音義杜本此其能降以

相從也無滋他族實偪處此以與我鄭國爭此土也吾子孫其覆

亡之不暇而況能禋祀許乎爾雅禋祀也孫炎曰禋絜敬之祭

杜注略同寡人之使吾子處此不惟許國之為亦聊以固吾圉也爾

雅圍垂也舍人曰圍拒邊垂也杜本此乃使公孫獲處許西偏曰凡

而器用財賄無實於許我死乃亟去之吾先君新邑於此地理

志河南郡新鄭詩鄭國桓公之子武公所國應劭曰國語云鄭桓

公為周司徒王室將亂寄孥與賄于號會之間幽王敗桓公死之

其子武公與平王東遷洛邑遂伐虢會并其地而邑於此杜本王

室而既卑矣周之子孫日失其序夫許大岳之允也爾雅允繼

也舍人曰允繼世也杜本天而既厭周德矣吾其能與許爭乎君

子謂鄭莊公於是乎有禮禮經國家定社稷序民人利後嗣者也

許無刑詩毛傳刑法也而伐之服而舍之度德而處之量

力而行之相時而動無累後人可謂知禮矣 鄭伯使卒出殺杜

司馬法百人為卒說文殺牲豕也廣雅殺豕也行出犬雞以詛射

頽考叔者章昭國語注行行列也鄭元周禮注詛謂祝之使沮

敗也君子謂鄭莊公失政刑矣政以治民刑以正邪既無德政又

無威刑是以及邪邪而詛之將何益矣 王取鄆劉地理志河

南郡緱氏劉聚周大夫劉子邑郡國志河南尹緱氏有鄆聚杜本

蔣吾友邵學士晉涵云周大夫有蔣國蓋食邑于蔣邶石經作邶誤

說文邶周武王子所封在河內野王是也从邑于聲又讀若區

郡國志河內郡野王有邗城水經注邗城故邗國也之田于鄭而

與鄭人蘇忿生之田温原註地理志河內郡温故國己姓蘇忿生

所封也杜本郡國志河內郡軹有原鄉杜同絺註說文作邾地理

志河內郡波孟康曰今有絺城郡國志同杜本樊註郡國志河內

郡修武有陽樊攢茅田服虔云樊仲山之所居故名陽樊杜取按

圖經引舊說文云仲山甫所封之樊在今南陽疑在修武者仲山

甫所居在南陽者則其封國也隰註郡國志河內郡懷有隰城

杜同按僖廿五年傳作隰城劉昭引此傳亦作城攢茅向石經本

此京相璠曰或云今河內軹西有城名向上闕駟十三州志曰軹

縣南山西曲有故向城即周向國也水經注盟註書禹貢導河

又東至于孟津盟孟古字通盟即孟津也杜本按唐武德四年于

孟津置盟州以此州註地理志河內郡州酈道元云周以賜鄭昭

公按昭當作莊杜本經註按元和郡縣志太行經在河內縣西北



三十里連山中斷曰脛述征記曰太行山首始于河內自河內北至幽州凡有八脛第一曰軹關脛第二曰太行脛第三曰白脛今攷此上三脛皆在河內左近疑此傳之脛卽指太行脛等而言然未敢以爲是姑附記于此或又以密縣脛山當之今攷密在河以南非是隤

**語**

京相璠曰河內修武縣北有故隤城實中

水經

郡國

志河內郡修武縣有隤城

杜同

**懷**

地理志河內郡懷

杜本

君子

是以知桓王之失鄭也怒而行之德之則也禮之經也己弗能有而以與人人之不至不亦宜乎 鄭息有違言

**語**

世本息國姬姓

說文鄭姬姓之國在淮北今汝南新鄭地理志汝南郡新息孟康曰故息國其後徙東故加新焉

杜本

息侯伐鄭鄭伯與戰于竟息

師大敗而還君子是以知息之將亡也不度德不量力不親親不徵辭不察有罪犯五不韙

**語**

倉頡篇

釋文

及廣雅韙是也

杜本

而以

伐人其喪師也不亦宜乎 冬十月鄭伯以虢師伐宋壬戌大敗

宋師以報其入鄭也宋不告命故不書凡諸侯有命告則書不然則否師出臧否亦如之雖及滅國滅不告敗勝不告克不書于策

羽父請殺桓公將以求太宰公曰為其少故也吾將授之矣使

營菟裘公羊傳作塗裘吾將老焉詁服虔云菟裘魯邑也營菟裘以作宮

室欲居之以終老也史記集解郡國志泰山郡梁父有菟裘聚此羽

父懼反譖公于桓公而請弑之公之為公子也與鄭人戰于狐壤

止焉鄭人囚諸尹氏賂尹氏詁詩毛傳賂遺也而禱于其主鍾巫

詁鄭元周禮注求福曰禱賈逵云鍾巫祭名也遂與尹氏歸

而立其主十一月公祭鍾巫齊于社圃館于寯氏詁服虔云館舍

也寯氏魯大夫同上杜取此壬辰羽父使賊弑公于寯氏立桓公而討

寯氏有死者不書葬不成喪也詁賈穎云君弑不書葬賊不討也

釋例

桓公元年春公即位修好于鄭鄭人請復祀周公卒易祊田公許之

三月鄭伯以璧假許田爲周公祊故也 夏四月丁未公及鄭伯

盟于越結祊成也盟曰渝盟無享國 秋大水凡平原出水爲大

水詁爾雅廣平曰原杜本 冬鄭伯拜盟 宋華父督詁世本華

父督宋戴公之孫好父說之子疏服虔云督戴公之孫史記見孔

父之妻詁鄭元儀禮注作孔甫云甫字或作父又士相見禮注今

文父爲甫于路目逆而送之曰美而豔詁詩毛傳色美曰豔杜本

二年春宋督攻孔氏殺孔父而取其妻公怒督懼遂弑殤公君子以

督爲有無君之心而後動於惡故先書弑其君會于稷以成宋亂

爲賂故立華氏也宋殤公立十年十一戰詁服虔云與夷隱四年

卽位一戰伐鄭圍其東門再戰取其禾皆在隱四年三戰取邾田

四戰邾鄭入其郛五戰伐鄭圍長葛皆在隱五年六戰鄭伯以王

命伐宋在隱九年七戰公敗宋師于菅八戰宋衛入鄭九戰宋入

蔡入衛入伐戴十戰戊寅鄭伯入宋皆在隱十年十一戰鄭伯以

號師大敗宋師在隱十一年本疏又史記宋世家民不堪命孔父

嘉為司馬督為大宰故因民之不堪命先宣言曰司馬則然已殺

孔父而弑殤公召莊公于鄭而立之以親鄭以郕大鼎賂公國語郡

國志濟陰郡成武有郕城杜同齊陳鄭皆有賂故遂相宋公夏四

月取郕大鼎于宋戊申納于太廟非禮也臧哀伯諫曰君人者將

昭德塞違高誘呂覽注塞遏也以臨照百官猶懼或失之故昭

令德以示子孫是以清廟茅屋賈逵云肅然清靜謂之清廟詩疏

杜取大路越席服虔云大路祀天車也越席結括草以為席也

史記集解按家語即作越席又云大路總名也如今駕駟高車也尊卑俱乘之

其采色有差續漢書注又云大路木路王肅云不緣也史記杜注取

服說大羹不致淮南王書作大羹不和大羹不和粢食不鑿釋文云字林作穀子沃

反云糲米一斛舂為八斗玉篇穀許委切米一斛舂為八斗也鑿

子各切左氏傳云粢食不鑿鑿精也一斛舂為九斗也按淮南王

書作菜食不穀高誘注穀細也鑿為穀古字假借昭其儉也衮冕

黻斑註鄭司農周禮注衮卷龍衣也釋名畫卷龍于衣也杜注畫

衣本此書孔傳冕冠也正義黻或作鞞或作芾音義同白虎通鞞

蔽膝也廣雅斑笏也皆杜注所本帶裳幅鳥註玉藻革帶博二寸

白虎通云男子有鞶帶者示有金革之事詩毛傳在下曰裳所以

配衣也鄭箋幅斜幅如今行膝也釋名複其下曰鳥衡紃紃註

鄭司農周禮注衡維持冠者字林紃冠之垂者詩毛傳紃纓之無

綏者從下仰屬于冠紃冕上覆也杜本按張衡東京賦衡作珩李

善注引此傳亦同思元賦注云珩與衡音義同也昭其度也藻率

鞞註服虔以藻為畫藻率為刷巾本鄭元禮記注藻所以藉玉

詩毛傳下曰鞞上曰琫按琫與鞞音義同杜注鞞鞞正與毛傳上

下相反疑誤又按東京賦作藻綵李善注同傳遂云按禮經率帶

諸侯大夫皆五采士二采率與綵同鞶厲游纓註服虔云鞶大帶

厲是大帶之垂者

禮疏按詩毛傳厲帶之垂者游或作旒或作旒旌旗之垂者也

又云纓如索帶

今乘輿大駕有之

本疏按疏云賈服等說鞶厲皆與杜同是杜取賈

服說昭其數也火龍黼黻鄭司農考工記注火謂圓形似火也

鄭元云龍水物畫水者并畫龍考工記白與黑謂之黼黑與青謂

之黻書孔傳黼若斧形黻謂兩己相背杜並本此昭其文也五色比象

昭其物也錫鸞和鈴詁服虔云鸞在鑣和在衡昭其聲也三辰旂旗詁服

錫馬面當盧詩毛傳鈴在旂社取服說又本此昭其聲也三辰旂旗詁服

虔云三辰日月星也杜取此謂之辰者辰時也日以昭晝月以昭夜

星則運行于天民得取其時節故謂之辰也詩疏服氏注云九旂之

總名儀禮注昭其明也夫德儉而有度登降有數文物以紀之聲明

以發之以臨照諸本誤作照臨今訂正百官百官於是乎戒懼而不敢易紀

律今滅德立違而實其賂器於大廟以明示百官百官象之其又

何誅焉國家之敗由官邪也官之失德寵賂章也郅鼎在廟章孰



甚焉武王克商遷九鼎于洛邑註服虔云今河南有鼎中觀書釋

文云維音洛本亦作洛書孔傳引此作洛按地理志河南郡有雒

陽師古引魚豢曰漢火行忌水故去洛水而加佳如魚氏說則光

武以後始改爲維邑今諸刊本並皆作維此從孔傳及宋本改正

下並同義士猶或非之而況將昭違亂之賂器於大廟其若之何

公不聽周內史聞之曰臧孫達其有後於魯乎君違不忘諫之以

德 秋七月杞侯來朝不敬杞侯歸乃謀伐之 蔡侯鄭伯會于

鄧始懼楚也註地理志南郡江陵故楚郢都楚文王自丹陽徙此

杜本 九月入杞討不敬也 公及戎盟于唐修舊好也 冬公

至自唐告于廟也凡公行告于宗廟反行飲至舍爵註高誘呂覽

注爵飲爵策勳焉禮也特相會往來稱地讓事也自參以上則往

稱地來稱會成事也 初晉穆侯之夫人姜氏以條之役生天子

命之曰仇註高誘呂覽注晉國名也音晉今爲晉字之誤也此說

未詳然古人或有依據附此存攷廣雅命名也按說文名自命也

其弟以千畝之戰生詁郡國志太原郡界休有千畝聚杜同命之

曰成師漢書志二命師服曰詁賈逵云晉大夫史記集解異哉君

之名子也詁按史記名作命名與命古字通夫名以制義義以出

禮禮以體政政以正民是以政成而民聽易則生亂嘉耦曰妃怨

耦曰仇古之命也詁按說文引虞書云怨匹曰仇然則此二語古

書之辭故杜注亦以為自古有此言陳樹華云禮記緇衣引詩云

君子好仇鄭氏注云仇匹也詩國風君子好逑鄭氏箋云怨耦曰

仇陸氏音義云逑音仇本又作仇是仇與逑通但此言怨耦則義

自不同今君命大子曰仇弟曰成師始兆亂矣兄其替乎詁詩毛

傳替廢也釋文本此惠士奇曰三體石經作替按替乃隸省依說

文當作替今从石經定作替惠之二十四年詁石經凡經傳文二

十皆作卅字三十皆作卅惟四十仍作四十晉始亂故封桓叔于

曲沃靖侯註證法柔德安衆曰靖又恭己鮮言曰靖又寬樂令終

曰靖之孫欒賓傳之師服曰吾聞國家之立也本大而末小是以

能固故天子建國諸侯立家卿置側室大夫有貳宗士有隸子弟

註服虔云士卑自以其子弟為僕隸祿不足以及宗是其有隸子

弟也儀禮疏庶人工商各有分親皆有等衰是以民服事其上而

下無覬覦註說文覦欲也服虔覦作窺云窺謂舉足而視也一切

義吾友王給事念孫曰漢書武五子傳廣陵王胥見上年少無子

有覬欲心即覬覦也今晉甸侯也而建國本既弱矣其能久乎惠

之三十年晉潘父弑昭侯而立桓叔註證法容儀恭美曰昭又昭

德有勞曰昭又聖聞周達曰昭不克晉人立孝侯註證法五宗安

之曰孝又慈惠愛親曰孝又秉德不回曰孝又協時肇厚曰孝惠

之四十五年曲沃莊伯伐翼弑孝侯翼人立其弟鄂侯鄂侯生哀

侯哀侯侵陘庭之田庭史記註賈逵云翼南鄙邑名史記集解陘

庭南鄙啓曲沃伐翼

三年春曲沃武公伐翼次于陘庭韓萬御戎梁宏爲右詁世本武公

莊伯子韓萬莊伯弟本服虔云韓萬晉大夫曲沃桓叔之子莊伯

之弟晉大夫以韓爲氏詩疏史記集解作逐翼侯于汾隰水經

汾水出太原汾陽縣北管涔山東南過晉陽縣爾雅下濕曰隰杜

此此驂絳而止鄭元儀禮注駢馬曰驂廣雅絳縣也夜獲之杜

及欒共叔 會于贏成昏于齊也 夏齊侯衛侯胥命于蒲不盟

也 公會杞侯于郕杞求成也 秋公子翬如齊逆女修先君之

好故曰公子齊侯送姜氏釋釋文本或作送姜氏于謹水經注引

傳文又作齊侯送姜氏于下謹非禮也凡公女嫁于敵國姊妹則

上卿送之以禮於先君公子則下卿送之於大國雖公子亦上卿

送之於天子則諸卿皆行公不自送於小國則上大夫送之冬

齊仲年來聘致夫人也 芮伯萬之母芮姜惡芮伯之多寵人也

故逐之出居于魏註地理志在馮翊臨晉芮鄉故芮國河東郡河

北詩魏國世本芮魏皆姬姓  
本疏杜本此

四年春正月公狩于郎書時禮也 夏周宰渠伯糾來聘父在故名

秋秦師侵芮敗焉小之也 冬王師秦師圍魏執芮伯以歸註

汲郡古文云取芮伯萬而東之

五年春正月甲戌己丑陳侯鮑卒再赴也於是陳亂文公子佗殺大

子免而代之公疾病註鄭元論語注病謂疾困也  
本疏按白虎通巡

狩篇傳曰甲戌之日亡己丑之日死而得有狂易之病蜚亡而死

由不絕也據此則鮑之病蓋狂易甲戌日已亡尚未絕己丑日始

盡死耳而亂作國人分散故再赴 夏齊侯鄭伯朝于紀欲以襲

之紀人知之 王奪鄭伯政鄭伯不朝 秋王以諸侯伐鄭鄭伯

禦之王為中軍號公林父將右軍蔡人衛人屬焉周公黑肩將左

軍註賈逵云黑肩莊王弟子儀也  
史記周本紀集解 陳人屬焉鄭于元請

為左拒以當蔡人衛人為右拒以當陳人曰陳亂民莫有鬪心若

先犯之必奔王卒顧之必亂蔡衛不枝註高誘戰國策注支猶拒

也支枝字同韋昭國語注枝柱也固將先奔既而萃于王卒可以

集事從之註易彖下傳萃聚也詩鄭箋集猶成也杜本曼伯為右

拒祭仲足為左拒原繁高渠彌史記作高渠昧以中軍奉公為魚麗之陳

先偏後伍註司馬法車戰二十五乘為偏周禮司馬五人為伍杜本

此伍承彌縫註廣雅釋詁縫合也戰于繻葛命二拒曰旂動而鼓

註賈逵以旂為發石一曰飛石范蠡兵法云飛石重二十斤為機

發行二百步本說文旂建大木置石其上發以機以碓敵釋文云

旂說文作檜按今刻本說文仍作旂又按三國志太祖為發石車

擊袁紹注引魏氏春秋曰以古有矢石又傳言旂動而鼓說曰旂

發石也于是造發石車惠棟云說者即賈侍中說也杜以旂為旂

蓋本馬融今按新唐書李密傳造雲旂三百具以機發石為攻城



具號將軍礮益可證賈氏之說杜注雖本馬融然究不若賈說之

信而有徵也蔡衛陳皆奔王卒亂鄭師合以攻之王卒大敗祝肫

射王中肩史記作祝肫射王中臂王亦能軍祝肫請從之公曰君子不欲多

上人況敢陵天子乎今本作凌非是苟自救也社稷無隕多矣夜

鄭伯使祭足勞王且問左右仍叔之子弱也秋大雩書不時

也凡祀啓蟄而郊服虔注左傳曰一說郊祀天祈農事雩祭山

川而祈雨也續漢書注服虔注魯祭天以孟月祭宗廟以仲月釋龍見

而雩服虔云龍角亢也謂四月昏龍星體見萬物始盛待雨而

大故雩祭以求雨也續漢書注穎氏以為龍見五月釋始殺而嘗服虔

服始殺惟據孟春不通建酉之月本按杜注亦從賈服以雩為遠

閉蟄而烝過則書冬澶于公如曹度其國危遂不復地理志

北海郡淳于應劭曰春秋州公如曹左氏傳曰澶于公如曹臣瓚

六曰州國名也澶于公國之所都杜注

六年春自曹來朝書曰實來不復其國也 楚武王侵隨詁賈逵云

隨姬姓史記集解世本同地理志南陽郡隨故國杜本使薳章求成焉

詁王符潛夫論蚤冒生薳章者王子無鈞也令尹孫叔敖者薳章

之孫也薳與薳同按見僖二十七年傳注軍於瑕以待之隨人使

少師董成詁爾雅董正也杜本鬬伯比言於楚子曰吾不得志于

漢東也我則使然我張吾三軍而被吾甲兵詁詩毛傳張大也杜本

此以武臨之彼則懼而協以謀我故難間也漢東之國隨為大隨

張必弃小國小國離楚之利也少師侈請羸師以張之詁韋昭國

語注羸弱也杜本熊率且比曰季梁水經注引在何益鬬伯比曰

以為後圖少師得其君王毀軍而納少師少師歸請追楚師隨侯

將許之季梁止之曰天方授楚楚之羸其誘我也君何急焉臣聞

小之能敵大也小道大淫所謂道忠於民而信於神也上思利民

忠也祝史正辭信也今民餒而君逞欲餒當祝史矯舉以祭詁方

言廣雅逞快也何休公羊傳詐稱曰矯杜本臣不知其可也公曰

吾牲牲肥脂註服虔曰牛羊曰肥豕曰脂本書孔傳牛羊豕曰牲

鄭司農周禮注牲純也杜取服義兼本此 粢盛豐備註何休公羊傳黍稷

曰粢在器曰盛惠士奇曰禹廟殘碑作資盛說文作齎云稷也从

禾齊聲或作粢从次按石經宋本皆作粢鄭注周禮云齎讀為粢

何則不信對曰夫民神之主也是以聖王先成民今本誤作名詩

於民多一於字 而後致力於神故奉牲以告曰博碩肥脂註鄭元儀禮注

博廣也詩毛傳碩大也杜本謂民力之普存也詩正義引此謂下

句例之似當有其字 謂其畜之碩大蕃滋也謂其不疾瘵蠹也註釋文稱說

文蠹作瘵按說文無瘵字瘵字下注云小腫也从疒坐聲一曰族

系臣鉉等曰今別作瘵蠹非是今攷玉篇瘵蠹皮膚病左傳曰不

疾瘵蠹也一作瘵按釋文所引說文疑屬玉篇之誤又按說文瘵

字注既云小腫而陸氏所引說文亦云皮肥是族系不過皮毛肥

腫之病故玉篇云然杜注以疥癬當之考說文疥搔也癬乾瘍也

恐非其義謂其備脂咸有也奉盛以告曰絜粢豐盛謂其三時不

害而民和年豐也奉酒醴以告曰嘉栗旨酒爾雅嘉善也何休

公羊傳栗猶戰栗謹敬貌此杜本謂其上下皆有嘉德而無違心也

所謂馨香無讒慝也故務其三時修其五教親其九族古尚書

說九族者從高祖至元孫凡九按杜注九族雖用戴歐陽等說然

諸侯絕旁親況下云致其禋祀則非施于他姓可知究當以孔鄭

說為是以致其禋祀說文謹敬也此杜本於是乎民和而神降之

福文選注引此而下有後字故動則有成今民各有心而鬼神乏主君雖獨豐

其何福之有君姑修政而親兄弟之國庶免於難隨侯懼而修政

楚不敢伐 夏會于成紀來諮謀齊難也 北戎伐齊齊侯使乞

師于鄭鄭太子忽帥師救齊六月大敗戎師獲其二帥大良少良

甲首三百以獻於齊於是諸侯之大夫戍齊齊人饋之餼論語

集解引鄭注牲生日饋杜本陳樹華云說文氣字下引春秋傳云

齊人來氣諸侯槩字下云氣或从既饋字下云氣或从食饋之為

氣槩之為既皆古文也杜子春云字當為饋失之使魯為其班

鄭元儀禮注班次也杜本後鄭鄭忽以其有功也怒故有郎之師

公之未昏於齊也齊侯欲以文姜妻鄭大子忽大子忽辭人問其

故大子曰人各有耦齊大非吾耦也詩云自求多福在我而已大

國何為君子曰善自為謀及其敗戎師也齊侯又請妻之固辭人

問其故大子曰無事於齊吾猶不敢今以君命奔齊之急而受室

以歸是以師昏也民其謂我何遂辭諸鄭伯 秋大閱簡車馬也

九月丁卯子同生以大子生之禮舉之接以大牢接鄭注禮記作捷

服虔云桓公之大子莊公同御覽唐呂才陰陽雜書序以長歷檢之

莊公生當乙亥之歲建申之月賈注云不稱大子者書始生禮服

虔云接者子初生接見于父御覽卜士負之士妻食之公與文姜宗

婦命之公問名於申繻註賈逵云申繻魯大夫史記集解對曰名

有五有信有義有象有假有類以名生為信註論衡作生名下德

命作德名類命作類名以德命為義註服虔云謂若大王度德命

文王曰昌命武王曰發本疏以類命為象取於物為假取於父為類

不以國不以官不以山川註大戴禮及賈誼新書胎教篇名無取

于名山通谷不以隱疾不以畜牲註鄭衆服虔皆以六畜為馬牛

羊豕犬雞本疏不以器幣註服虔以為俎豆豐彝犧象之屬皆不可

以為名也本疏周人以諱事神名終將諱之釋文以名字絕句註淮南王書

曰祝則名君高誘注周人以諱事神敬之至也故以國則廢名以

官則廢職以山川則廢主以畜牲則廢祀以器幣則廢禮晉以僖

侯廢司徒宋以武公廢司空註服虔云武公名司空廢司空為司

城禮疏杜先君獻武廢二山註謚法聰明睿知曰獻又知質有聖

曰獻是以大物不可以命公曰是其生也與吾同物註惠棟云物



謂六物歲時日月星辰是也與桓公同日故曰同物古稱六物唐

稱六命命之曰同 冬紀侯來朝請王命以求成于齊公告不能

七年春穀伯鄧侯來朝名賤之也註服虔云穀鄧密邇于楚不親仁

善鄰以自固卒為楚所滅無同好之救桓又有弑賢兄之惡故賤

而名之本疏 夏盟向求成于鄭既而背之 秋鄭人齊人衛人伐

盟向王遷盟向之民于郊註地理志河南郡河南故郊鄆也玉篇

郊洛陽北地此杜本 冬曲沃伯誘晉小子侯殺之

八年春滅翼 隨少師有寵楚鬪伯比曰可矣讎有釁註韋昭國語

注釁瑕也薛綜東京賦注釁隙也此杜本 不可失也夏楚子合諸侯

于沈鹿黃隨不會使遺章讓黃註地理志南郡弋陽縣應劭曰故

黃國此杜本 楚子伐隨軍于漢淮之間季梁請下之弗許而後戰所

以怒我而怠寇也少師謂隨侯曰必速戰不然將失楚師隨侯禦

之望楚師季梁曰楚人上左君必左無與王遇且攻其右右無良

焉必敗偏敗衆乃攜矣少師曰不當王非敵也弗從戰于速杞隨師敗績隨侯逸韋昭國語注逸奔也鬬丹獲其戎車與其戎右少師秋隨及楚平楚子將不許鬬伯比曰天去其疾矣隨未可克也乃盟而還 冬王命虢仲立晉哀侯之弟緡于晉 祭公來遂逆王后于紀禮也

九年春紀季姜歸于京師凡諸侯之女行惟王后書 巴子使韓服

告于楚地理志巴郡應劭曰左氏傳巴子使韓服告楚此杜本請

與鄧爲好楚子使道朔將巴客以聘於鄧鄧南鄙鄧人說文鄧

曼姓之國鄧鄧國地也春秋傳曰鄧南鄙鄧人攻之按此卽哀十

八年巴人伐楚圍鄧之鄧杜注云楚邑蓋楚滅鄧之後鄧又爲楚

邑也郡國志南陽郡有鄧聚晉書地理志襄陽郡鄧縣按縣蓋晉

置後省圖經襄陽縣北有鄧城攻而奪之幣殺道朔及巴行人楚

子使鬻章讓于鄧鄧人弗受夏楚使鬪廉帥師及巴師圍鄧鄧養

甥聃甥帥師救鄆三逐巴師不克鬪廉衡陳其師於巴師之中

廣雅衡橫也 杜本 以戰而北 詁釋文云稽康北音背韋昭國語注

軍敗奔走曰北北古之背字也 杜本 鄧人逐之背巴師而夾攻之

鄧師大敗鄆人宵潰 詁詩毛傳宵夜也 杜本 秋號仲芮伯梁伯

地理志左馮翊夏陽故少梁 杜本 正義據僖十七年傳知梁為

嬴姓荀侯 詁說文郇周武王子所封國在晉地按應劭北征賦注

引此作郇侯地理志注亦同郇荀古字同賈伯 詁劉昭引博物志

臨汾有賈鄉賈伯邑伐曲沃 冬曹天子來朝賓之以上卿禮也

詁服虔云太子桓公子莊公射姑 御覽 又云曹伯有故使其太子攝

而朝曲禮曰諸侯之嫡子攝其君來誓于天子則以皮帛繼子男

諸侯之上卿之禮也上卿出入三食三牢牽二牢一享一食宴之

也 同上杜 享曹天子初獻樂奏而歎 詁服虔云初獻酒如獻爵樂

奏人上堂也初獻爵樂奏天子歎而哀樂也 同上 施父曰 詁服虔云

施父魯大夫同此杜曹大子其有憂乎非歎所也註服虔云古之

為享食所以觀威儀省禍福無喪而感憂必讎焉今大子臨樂而

歎是父將死而兆先見也疏本

十年春曹桓公卒 號仲譖其大夫詹父于王詹父有辭以王師伐

號 夏號公出奔虞註地理志河東郡大陽吳山在西北上有吳城

周武王封大伯後于此是為虞公為晉所滅杜本秋秦人納芮

伯萬于芮 初虞叔有玉虞公求旃註詩毛傳旃之也杜本弗獻

既而悔之曰周諺有之李善文選注匹夫無罪懷璧其罪吾焉用

此其以賈害也註爾雅賈市也乃獻之又求其寶劍叔曰是無厭

也無厭將及我遂伐虞公故虞公出奔共池註圖經共城在解州

平陸縣西四十里 冬齊衛鄭來戰于郎我有辭也初北戎病齊

諸侯救之鄭公子忽有功焉齊人餽諸侯使魯次之魯以周班後

鄭鄭人怒請師于齊齊人以衛師助之故不稱侵伐先書齊衛王

爵也

十一年春齊衛鄭宋盟于惡曹註服虔以為不書宋宋後盟本楚

屈瑕註王逸楚辭章句楚武王生子瑕受屈為客卿因以為氏將

盟貳軫註國名記貳偃姓在隨州南楚滅之軫亦偃姓在楚東南

亦楚所滅鄭人軍于蒲騷註地理志江夏郡雲杜應劭曰左傳若

敖取于邾今邾亭是也邾釋文本亦作涓涓鄭音義並同按通典

應城縣有古蒲騷城今考安陸應城本春秋邾子之國邾人蓋軍

于己境也將與隨絞州蓼註春秋地圖洩在漢水之北說文邾地

名从邑蓼聲釋文云蓼或作鄆鄭氏詩箋亦引作鄆地理志南陽

郡湖陽故鄆國郡國志南陽郡棘陽有湖陽邑杜同圖經監利縣

東三十里有州陵城春秋時州國伐楚師莫敖患之漢書志鬬廉

曰鄭人軍其郊必不誠且曰虞四邑之至也註廣雅虞望也按言

日望四邑之至也較杜義為長君次于郊郢以禦四邑我以銳師

宵加于鄭鄭有虞心而恃其城莫有鬪志若敗鄭師四邑必離莫

敖曰盍請濟師於王詒鄭元禮記注盍何不也杜本對曰師克在

和不在衆商周之不敵君之所聞也成軍以出又何濟焉莫敖曰

卜之對曰卜以決疑不疑何卜遂敗鄭師于蒲騷卒盟而還鄭

昭公之敗北戎也齊人將妻之昭公辭祭仲曰必取之君多內寵

詒服虔云言庶子有寵者多史記集解子無大援將不立三公子皆君

也弗從夏鄭莊公卒初祭封人詒郡國志陳留郡長垣古祭城

杜同仲足有寵於莊公莊公使爲卿爲公娶鄧曼生昭公故祭仲

立之宋雍氏女於鄭莊公曰雍姑生厲公詒賈逵云雍氏黃帝之

孫姑姓之後爲宋大夫杜取雍氏宗有寵於宋莊公詒服虔云爲

宋正卿故曰有寵同按春秋之世宋未嘗以異姓爲正卿不知服

何據故誘祭仲而執之曰不立突將死亦執厲公而求賂焉祭仲

與宋人盟以厲公歸而立之秋九月丁亥昭公奔衛己亥厲公



立

十二年夏盟于曲池平杞莒也 公欲平宋鄭秋公及宋公盟于句

瀆之丘宋成未可知也故又會于虛冬又會于龜宋公辭平故與

鄭伯盟于武父遂帥師而伐宋戰焉宋無信也君子曰苟信不繼

盟無益也詩云君子婁盟諸本作屢今亂是用長無信也 楚伐

絞軍其南門莫敖屈瑕曰絞小而輕輕則寡謀請無扞采樵者以

誘之高誘戰國策注捍禦也廣雅樵薪也此杜本從之絞人獲三

十人明日絞人爭出驅楚役徒于山中楚人坐其北門廣雅坐

止也惠棟云按兵法有立陳坐陳見尉繚子立陳所以行也坐陳

所以止也傳曰裹糧坐甲又云王使甲坐于道又云士皆坐列司

馬法云徒以坐固荀子曰庶士介而坐道及此傳坐其北門皆坐

陳也按此則坐字當從廣雅訓為止杜注坐猶守也于訓詰為不

合矣而覆諸山下大敗之為城下之盟而還伐絞之役楚師分涉

於彭註水經漢水過筑陽縣東筠水出自房陵縣東過其縣南流

注之按道元云杜預謂之彭水今攷楚附庸臨彭水當即絞羅人

欲伐之註地理志南郡枝江故羅國世本羅熊姓杜本使伯嘉謀

之三巡數之註韋昭國語注謀候也鄭氏周禮注巡偏也杜本

十三年春楚屈瑕伐羅鬪伯比送之還謂其御曰漢志御莫敖必敗

舉趾高註按漢書五行志引傳趾作止高誘呂覽注止足也鄭注

士昏禮古文止作趾易虞翻注亦云趾足也杜本心不固矣遂見

楚子曰必濟師楚子辭焉入告夫人鄧曼鄧曼曰大夫其非衆之

謂其謂君撫小民以信註說文撫安也廣雅同訓諸司以德而威

莫敖以刑也莫敖狃於蒲騷之役註說文狃犬性驕也玉篇狃狎

習也按杜訓狃為忼本小爾雅將自用也必小羅君若不鎮撫註

廣雅鎮安也其不設備乎夫固謂君訓衆而好鎮撫之註服虔云

夫謂鬪伯比本疏襄二召諸司而勸之以令德見莫敖而告諸天

之不假易也不然夫豈不知楚師之盡行也楚子使賴人追之

地理志南陽郡隨有厲鄉故厲國  
此杜本師古曰厲讀曰賴郡國志

汝南郡褒信有賴亭故國按此賴國所在當以地理志為是不及

莫敖使徇于師曰

說文徇行示也从彳勻聲司馬法斬以徇廣

雅徇巡也杜注徇宣令也義亦本此玉篇徇同徇諫者有刑及鄢

亂次以濟淇水

釋文本或作亂次以濟其水按水經注引傳作

亂次以濟淇水攷汜水與夷水亂流東出謂之淇水

淇同後蠻城南城在宜城南三十里杜預釋例羅在宜城縣西山中後在

南郡枝江縣自楚及羅須渡此水杜本因脫淇水二字故注析不

清釋文其字又誤脫水旁今从鄢注及釋文增入二字又按杜注

以此傳之鄢為水名亦誤攷鄢楚縣名昭十三年王沿夏將欲入

鄢服虔云鄢別都也此傳文鄢字亦指楚縣而言不指鄢水杜注

及正義皆誤遂無次且不設備及羅羅與盧戎兩軍之

或作廬廬廬古字同按文十六年楚使廬侵庸書牧誓微盧彭濮

人皆即指此史記作纏亦通括地志金州有古廬國大敗之莫敖

縊于荒谷羣帥囚于冶父水經注沔水下白湖等三湖合為一

水東通荒谷東岸有冶父城按皆當在今江陵又按說文荒谷字

當作流釋文亦云本或作流荒後傳寫誤耳以聽刑楚子曰孤之

罪也皆免之 宋多責賂於鄭鄭不堪命故以紀魯及齊與宋衛

燕戰不書所戰後也服虔云不日者公至而後定戰日地之與

日當同時設期公既不及期地安得及期日也本疏杜亦取此 鄭人來

請修好

十四年春會于曹曹人致餼禮也 夏鄭子人來尋盟且修曹之會

秋八月壬申御廩災乙亥嘗書不害也 冬宋人以諸侯伐鄭

報宋之戰也焚渠門入及大逵伐東郊取牛首水經注沙水又

東南逕牛首亭東左傳伐東郊取牛首者也俗謂之車牛城矣按

道元當本舊說以大宮之椽歸爲盧門之椽說文周謂之椽齊魯謂之桷

十五年春天王使家父來求車非禮也諸侯不貢車服天子不私求

財祭仲專鄭伯患之使其壻雍糾殺之賈逵云雍糾鄭大夫

史記集解爾雅女子之夫爲壻將享諸郊雍姬知之謂其母曰父與夫

孰親其母曰人盡夫也父一而已胡可比也遂告祭仲曰雍氏舍

其室而將享子於郊吾惑之以告祭仲殺雍糾尸諸周氏之汪汪

服虔通俗文亭水曰汪一切經音義按高誘淮南王書注作矢謂周氏

之汪今攷尸矢皆陳也義並通公載以出曰謀及婦人宜其死也

夏厲公出奔蔡六月乙亥昭公入許叔入于許公會齊侯

于艾謀定許也秋鄭伯因櫟人殺檀伯史記作單伯服虔云鄭守

櫟大夫水經注又云櫟鄭之大都同上又史記集解杜取此而遂居櫟冬會于

襄謀伐鄭將納厲公也弗克而還

十六年春正月會于曹謀伐鄭也 夏伐鄭秋七月公至自伐鄭以

飲至之禮也 冬城向書時也 初衛宣公烝於夷姜生急子史記

漢書人表並作倂 釋文云急詩作倂 服虔云上淫曰烝詩疏杜 屬諸右公子為之

娶於齊而美公取之生壽及朔屬壽于左公子夷姜縊說文縊

經也春秋傳曰夷姜縊宣姜與公子朔構急子服虔云構會其

過惡詩疏杜 公使諸齊使盜待諸莘將殺之服虔云莘衛東地

同 上京相璠曰今平原陽平縣北十里有故莘亭阨限蹊要自衛適

齊之道也水經 郡國志陽平侯國有莘亭杜同 壽子告之使行不

可曰棄父之命惡用子矣高誘呂覽注惡安也 有無父之

國則可也及行飲以酒壽子載其旌以先盜殺之急子至曰我之

求也此何罪請殺我乎又殺之二公子故怨惠公十一月左公子

泄諸本作洩今从 右公子職立公子黔牟惠公奔齊

十七年春盟于黃平齊紀且謀衛故也 及邾儀父盟于雒尋蔑之



盟也 夏及齊師戰于奚疆事也於是齊人侵魯疆疆吏來告公

曰疆場之事註說文疆界也从畺二其界畫也或从疆土惠棟曰

古文作疆易周禮有疆地易地楊統碑云疆易不爭張公神道碑

云疆界家靜呂君碑云慎守疆易蓋用此文慎守其一而備其不

虞姑盡所備焉事至而戰又何謁焉 蔡桓侯卒蔡人召蔡季于

陳 秋蔡季自陳歸于蔡蔡人嘉之也 伐邾宋志也 冬十月

朔日有食之不書日官失之也天子有日官諸侯有日御註服虔

云日官日御典歷數者也周禮疏杜取此日官居卿註服虔云是居卿者

十卿居其官以主之重歷數也本疏以底日註顧炎武云五經無底字

皆是底字惟左傳襄二十九年處而不底昭元年勿使有壅閉湫

底乃章禮反耳今說文本底字下有一畫誤也字當从氏按底與

抵古字通廣雅釋詁抵推也此抵日猶言推日耳杜注平也似未

諦禮也日御不失日以授百官于朝 初鄭伯將以高渠彌為卿

昭公惡之固諫不聽昭公立懼其殺己也辛卯弒昭公而立公子

亶韓非子君子謂昭公知所惡矣公子達曰韓非子高伯其為

戮乎復惡已甚矣韓非子按據韓非子則復當訓報復之復鄭

康成周禮注復猶報也杜注重也失之陳樹華校本同

十八年春公將有行遂與姜氏如齊申繻管子曰女有家男有室

無相瀆也謂之有禮易此必敗公會齊侯于濼遂及文姜如齊齊

侯通焉詩服虔云旁淫曰通詩公謫之韋昭漢書注謫謹也

此以告 夏四月丙子享公服虔云為公設享讌之禮史記集

此使公子彭生乘公蔡邕獨斷乘猶載也公薨于車史記魯

世家使公子彭生抱魯桓公因命彭生折其脅公死于車按玉篇

斡字下引左氏傳云拉公斡而殺之云以手拉折其斡今攻玉篇

誤以公羊為左氏傳下句即何休注也詩毛傳又云搯殺之說文

搯捉也與拉字義亦通魯人告于齊曰寡君畏君之威不敢甯居

來修舊好禮成而不反無所歸咎惡於諸侯請以彭生除之齊人

殺彭生 秋齊侯師于首止 **詁** 服虔云首止近鄭之地 史記郡國集解

志陳留郡已吾有首鄉 杜同 子亶會之高渠彌相七月戊戌齊人

殺子亶而轅高渠彌 **詁** 鄭元周禮注轅車裂也 杜本 祭仲逆鄭子

于陳而立之 **詁** 服虔云鄭子昭公弟子儀也 詩疏 按史記作召公子

亶弟公子嬰于陳而立之是為鄭子按小司馬云左傳以鄭子名

子儀此云蓋必有所見杜取服說是行也祭仲知之故稱疾不往

人曰祭仲以知免仲曰信也 周公欲弑莊王而立王子克 **詁** 賈

逵云莊王弟子儀也 史記集解杜取此 辛伯告王 **詁** 賈逵云辛伯周大夫

也 同上杜取此 遂與王殺周公黑肩王子克奔燕初子儀有寵於桓王

桓王屬諸周公辛伯諫曰竝后匹嫡兩政耦國亂之本也周公弗

從故及

春秋左傳詁五

對王曰請風公無歸於己則三國無所歸國無所歸則國無所歸

此國也則無所歸也風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

風公無歸於己則三國無所歸國無所歸則國無所歸

春秋左傳詁六

南菁書院

陽湖洪亮吉稚存著

傳

莊公元年春不稱即位文姜出故也詁魏書引服虔注云文姜通于

兄齊襄與殺公而不反父殺母出隱痛深諱期而中練思慕少殺

念至于母故經書三月夫人孫于齊既有念母深諱之文明無讎

疾告列之理 三月夫人孫于齊不稱姜氏絕不為親禮也詁魏

書引注云夫人有與殺桓之罪絕不為親得尊父之義善莊公思

大義絕有罪故曰禮也按說苑亦云絕文姜之屬而不為不愛其

母正可與服說相發明杜注似非 秋築王姬之館于外為外禮

也

二年冬夫人姜氏會齊侯于禚書姦也

三年春溺會齊師伐衛疾之也 夏五月葬桓王緩也 秋紀季以

鄩入于齊紀於是乎始判說文判分也  
杜本冬公次于滑將

會鄭伯謀紀故也鄭伯辭以難凡師一宿為舍再宿為信過信為

次賈逵云若魯公次乾侯之比  
本詩毛傳一宿曰宿再宿曰信

四年春王正月楚武王荆尸爾雅尸陳也  
杜本授師子焉以伐隨

**詁**注云子句予考工記疏方言楚謂戟為予杜本將齊入告夫人鄧曼

曰服虔云鄧曼姓  
史記集解余心蕩賈逵云蕩搖也  
同鄧曼歎曰

王祿盡矣盈而蕩天之道也先君其知之矣故臨武事將發大命

而蕩王心焉若師徒無虧王薨於行國之福也王遂行卒於櫛木

之下說文櫛松心木按杜注止云木名故采說文補之或說文

本賈氏說也高誘淮南王書注櫛讀姓櫛氏之櫛釋文及正義俱

云有曼朗二音疑非正義又疑櫛木為朗榆亦不見說文之故余

以歲己未遣戍伊犁道過天山樹如松者萬株土人尚呼為櫛驗

之皆松心木與說文無異又考竟陵縣武來山一名櫛木山樂史



稱郡國志左傳楚武王卒於櫛木之下卽此山令尹鬬祁莫敖屈

**重****詰**按此屈重當係屈瑕之子除道梁**澹****詰**說文澹水在漢南荆

州浸也春秋傳曰修除梁澹按今本修涂作除道然考杜注則杜

時本已與漢異又按說文澹荆州浸本周禮職方而釋例以爲義

陽縣西澹水亦誤澹釋文引高貴鄉公音側稼反云水名字林壯

加反營軍臨隨隨人懼行成莫敖以王命入盟隨侯且請爲會於

漢汭而還**詰**鄭元尚書注汭之言內也杜本此濟漢而後發喪紀

侯不能下齊以與紀季夏紀侯大去其國違齊難也**詰**韋昭國語

注違避也杜本此

五年秋邾犁來來朝各未王命也 冬伐衛納惠公也

六年春王人救衛 夏衛侯入放公子黔牟于周放甯跪于秦**詰**說

文放逐也殺左公子泄右公子職乃卽位君子以二公子之立黔

牟爲不度矣夫能固位者必度其本末而後立衷焉不知其本不

謀知本之不枝弗強詩云本枝百世詩大雅作支

冬齊人來歸衛寶

文姜請之也楚文王伐申過鄧鄧祁侯曰詰謚法治典不殺曰

祁吾甥也詰爾雅謂我舅者吾謂之甥釋名舅謂姊妹之子曰甥

杜本止而享之騅甥古今人表作駐聃甥養甥請殺楚子鄧侯弗許三甥

曰亡鄧國者必此人也若不早圖後君噬齊詰按玉篇引左傳作

臍臍俗字當作齊釋名臍劑也腸端之所限制也說文噬啗也喙

也齧字下注云齧噬也杜本其及圖之乎圖之此為時矣鄧侯曰

人將不食吾餘對曰若不從三臣抑社稷實不血食而君焉取餘

弗從還年楚子伐鄧十六年楚復伐鄧滅之

七年春文姜會齊侯于防齊志也夏恆星不見夜明也星隕如雨

與雨偕也詰詩毛傳偕俱也杜本秋無麥苗不害嘉穀也

八年春治兵于廟禮也公羊作祠兵詰按周禮大司馬之職賈公彥正義

引此傳治兵于廟禮也又引注云三年而治兵與秋同名兵將出

故曰洽兵今杜注無之則公彥所引當係服說夏師及齊師圍邾

邾降于齊師仲慶父請伐齊師公曰不可我實不德齊師何罪罪

我之由夏書曰皋陶邁種德註孔安國尚書傳邁行也說文邁遠

行也按書傳及爾雅等皆訓邁為行杜注邁勉也邁字無勉義恐

非德乃降姑務修德以待時乎秋師還君子是以善魯莊公齊

侯使連稱管至父戍葵丘註賈逵云連稱管至父皆齊大夫史記集解

京相璠曰齊西五十里有葵丘水經注瓜時而往曰及瓜而代註

服虔云瓜時七月及瓜為後年瓜時期戍公問不至註說文問訊

也按杜注問命也恐非請代弗許註尉繚子曰兵戍過一歲遂亡

不候代者法比亡軍故謀作亂僖公之母弟曰夷仲年生公孫無

知古今人表作有寵於僖公衣服禮秩如適註按說文秩字下云

積也詩云積之秩秩黼字下注云爵之次第也虞書曰平黼東作

是一二字文義俱別經典从省借秩為黼耳襄公紕之註說文黜貶

下也廣韻黜亦作絀按絀黜古字同文元年傳黜乃亂也史記卽

作絀二人因之以作亂連稱有從妹在公宮註服虔云為妾在宮

也史記集解無寵使間公註王肅云侯公之間隙廣雅間覩也杜本曰

捷註詩毛傳捷勝也吾以女為夫人冬十二月齊侯游于姑焚註

賈逵云姑焚齊地也史記集解遂田于貝丘史記作京相璠曰博昌

縣南近龜水有地名貝丘在齊城西北四十里水經注杜同此按地理志

清河郡貝丘應劭曰左氏傳齊襄公田于貝丘是酈元以應說為

疏今考貝丘縣故城在今廣平府清河縣界春秋時屬齊國雖較

博昌為遠然齊侯出田本無定地景公欲觀轉附朝舞遵海而南

又豈得以遠疑之乎應說或當有據也見大豕史記作彘從者曰公

子彭生也公怒曰彭生敢見射之註服虔云公見彘從者乃見彭

生鬼改形為豕也史記集解豕人立而啼註服虔云啼呼也文選

公懼隊于車傷足喪屨反誅屨註孔安國論語注誅責也杜本于

徒人費

史記作蒞

**註**

按古今人表有寺人費師古曰即徒人費也據此

則費蓋宦者弗得鞭之見血走出遇賊于門劫而束之**註**鄭元禮

記注劫劫脅也費曰我奚御哉袒而示之背**註**廣雅袒解也信之

費請先入伏公而出鬪死于門中石之紛如死于階下遂入殺孟

陽于牀**註**說文牀安身之坐也曰非君也不類見公之足于戶下

遂弑之而立無知初襄公立無常鮑叔牙曰君使民慢亂將作矣

奉公子小白出奔莒亂作管夷吾召忽奉公子糾來奔初公孫無

知虐于雍廩

史記作雍林

**註**

賈逵云葵丘大夫

史記集解

史記齊世家齊君

無知游于雍林雍林人嘗有怨無知及其往游雍林人襲殺無知

按梁元帝金樓子亦與史記同古今人表又作雍稟人稟廩古字

通水經注作離稟今考若據史記金樓子則雍林地名據賈逵注

及檢古今人表則雍廩人名今細繹經傳上云虐于雍稟下經云

齊人殺無知傳又云雍廩殺無知則當以人名為是杜注亦取賈

說

九年春雍廩殺無知 公及齊大夫盟于既齊無君也 夏公伐齊

納子糾桓公自莒先入 秋師及齊師戰于乾時我師敗績公喪

戎路傳乘而歸 **註**按漢書宣帝紀得毋用傳集注傳謂傳舍今考

此傳乘亦謂乘驛傳以歸杜注云乘他車恐誤秦子梁子以公旗

辟于下道是以皆止 **註**韋昭國語注止獲也 杜本 鮑叔帥師來言

曰子糾親也請君討之管召讎也請受而甘心焉乃殺子糾于生

竇 史記作 筓 竇 **註**賈逵云生竇魯地句竇 史記索隱 地理志濟陰郡句

陽應劭曰左氏傳句瀆之丘也召忽死之 **註**按論語自經于溝瀆

即指召忽襄十九年齊莊公執公子牙于句瀆之丘句竇溝瀆音

同據此則召忽之死蓋自經也後漢書應劭傳載劭議亦云昔召

忽死子糾之難而孔子曰經于溝瀆人莫之知是也管仲請囚鮑

叔受之及堂阜而稅之 **註**賈逵云堂阜魯北境 史記 按文十五年



傳飾棺置諸堂阜明堂阜為齊魯交界既至齊境故即釋其縛也  
歸而以告曰管夷吾治於高僂說文賈逵云齊正卿高敬仲也同祕

笈新書齊太公六代孫文公子高孫僂以王父字為氏使相可也

公孫之

十年春齊師伐我公將戰曹劌請見戰國策劌作洙呂覽又作劌並音同其鄉人曰肉

食者謀之又何間焉劌曰肉食者鄙未能遠謀乃入見問何以戰

公曰衣食所安弗敢專也必以分人對曰小惠未徧民弗從也公

曰犧牲玉帛弗敢加也必以信對曰小信未孚說文虞翻易注孚信

也按杜隨文生訓故加大字神弗福也公曰小大之獄雖不能察

必以情對曰忠之屬也可以一戰戰則請從公與之乘戰于長勺

公將鼓之劌曰未可齊人三鼓劌曰可矣齊師敗績公將馳之劌

曰未可下視其轍說文轍車迹也登軾而望之曰可矣遂逐齊

師既克公問其故對曰夫戰勇氣也一鼓作氣再而衰三而竭彼

竭我盈故克之夫大國難測也懼有伏焉吾視其轍亂望其旗靡

**註**說文靡披靡也故逐之夏六月齊師宋師次于郎公子偃曰

宋師不整可敗也宋敗齊必還請擊之公弗許自雩門竊出**註**廣

雅竊私也蒙皋比而先犯之**註**樂記曰倒載干戈蒙之以虎皮名

之曰建纛鄭元以為兵甲之衣曰纛纛韜也而其字或作建皋故

服虔引以解此本疏杜取此公從之大敗宋師于乘丘齊師乃還蔡

哀侯娶于陳息侯亦娶焉息媯將歸過蔡蔡侯曰吾姨也李善文選注引

此傳作是**註**爾雅妻之姊妹同出為姨釋名妻之姊妹曰姨姨弟

也言與己妻相長弟也杜本此止而見之弗賓息侯聞之怒使謂楚

文王曰伐我吾求救於蔡而伐之楚子從之秋九月楚敗蔡師于

莘以蔡侯獻舞歸齊侯之出也過譚譚不禮焉及其入也諸侯

皆賀譚又不至冬齊師滅譚譚無禮也譚子奔莒同盟故也

十一年夏宋為乘丘之役故侵我公禦之宋師未陳而薄之**註**高誘

淮南王書注薄迫也廣雅同敗諸鄙凡師敵未陳曰敗某師皆陳  
曰戰大崩曰敗績得僞曰克詁釋文本或作俊按漢書陳湯傳顏

師古注引此作得俊曰克玉篇云僞同俊也覆而敗之曰取某師

**詁**服虔云覆隱也設伏而敗之謂攻其無備出其不意敵人不知

敗之易故曰取本京師敗曰王師敗績于某釋文本或作京秋

宋大水公使弔焉詁賈逵曰問凶曰弔史記集解曰天作淫雨害於桑

盛若之何不弔鄭元周禮注引對曰孤實不敬天降之災又以爲

君憂拜命之辱臧文仲曰宋其興乎禹湯罪己其興也悖焉釋文

作勃今按爾雅釋詁作溇正義引作其興也溇然韓詩外傳引作其興也勃然呂覽當梁篇引傳作勃焉陳蕃傳同**詁**廣雅

淳盛也杜本桀紂罪人其亡也忽焉詁廣雅忽疾也杜本且列國

有凶稱孤禮也言懼而名禮其庶乎既而聞之曰公子御說之辭

也史記御作禦古今人表同**詁**史記宋世家此言乃公子魚教潛公也與左傳

異按子魚即公子目夷至僖八年始見左傳距此尚二十餘年史

記說非也當以左傳為是臧孫達曰註世本孝公生僖伯彊彊生

哀伯達達生伯氏瓶瓶生文仲辰惠棟曰此傳先載文仲之言不

應後錄哀伯之語達當為辰字之誤也桓二年傳先稱臧哀伯後

云臧孫達與此一例今按哀伯此時當已久卒故文仲世其職明

達為辰字之誤是宜為君有恤民之心 冬齊侯來逆共姬註按

此則王姬後諡為共與衛共姬同是齊侯之妃有兩共姬矣衛共

姬見僖十七年傳乘丘之役公以金僕姑註玉篇作鑠鑠云春秋

僕姑射南宮長萬註賈逵云南宮氏萬名宋卿史記集解按下年經書

宋萬弑其君則萬本宋卿可知杜注云宋大夫又云不書獲萬時

未為卿則杜意以萬歸宋後始為卿也無論見獲歸宋為時甚暫

未必以此時為卿且下年傳書萬殺大宰督于東宮之西督為宋

正卿經亦不書則此年不書獲萬亦經文簡略終當以賈說為是

公右徹孫生搏之宋人請之宋公斬之註服虔云恥而惡之曰斬

本疏玉篇釋文戲而相媿曰斬杜同曰始吾敬子今子魯囚也吾弗

敬子矣病之

十二年秋宋萬弑閔公于蒙澤諡法在國遭憂曰愍又在國逢難

曰愍又禍亂方作曰愍按史記作潛漢書五行志作愍閔愍潛音

義並同賈逵云蒙澤宋澤名也史記郡國志梁國蒙縣有蒙澤杜

此十三州志蒙澤在蒙縣東水經遇仇牧于門批而殺之按一

切經音義引此傳作撻而殺之今考說文撻反手擊也今本作批

非是公羊傳萬臂撥仇牧碎其首何休云側手曰撥則義與說文

反手擊亦同玉篇作撻云手擊也字林廣雅皆作批云批擊也相

沿已久姑承之遇大宰督于東宮之西又殺之立子游羣公子奔

蕭公子御說奔亳服虔云蕭亳宋邑也同地理志沛郡蕭故蕭

叔國杜本山陽郡薄臣瓚曰湯所都郡國志薄屬梁國按亳薄古

字通杜預注薄城中有成湯冢亦本皇覽南宮牛猛獲帥師圍亳



冬十月蕭叔大心及戴武宣穆莊之族以曹師伐之殺南宮牛于師殺子游于宋立桓公猛獲奔衛南宮萬奔陳以乘車輦其母

高誘呂覽注人引車曰輦 杜本此 一日而至宋人請猛獲于衛衛人

欲勿與石祁子曰不可天下之惡一也惡於宋而保於我保之何

補得一夫而失一國與惡而棄好非謀也衛人歸之亦請南宮萬

于陳以賂陳人使婦人飲之酒 服虔云宋萬多力勇不可執故

先使婦人誘而飲之酒醉而縛之 史記集解 而以犀革裹之比及宋手

足皆見宋人皆醢之 服虔云醢肉醬 同上杜本此

十三年春會于北杏以平宋亂遂人不至夏齊人滅遂而戍之 冬

盟于柯始及齊平也 宋人背北杏之會

十四年春諸侯伐宋齊請師于周夏單伯會之取成于宋而還 鄭

厲公自櫟侵鄭及大陵 京相璠曰潁川臨潁縣東北二十五里

有故巨陵亭古大陵也 水經注 獲傅瑕 史記作甫瑕 傅瑕曰苟舍我吾請



納君與之盟而赦之六月甲子傅瑕殺鄭子及其二子而納厲公

初內蛇與外蛇鬪於鄭南門中內蛇死六年而厲公入註服虔云

蛇北方水物水成數六故六年而厲公入疏本公聞之問於申繻曰

猶有妖乎對曰人之所忌其氣炎以取之註釋文石經本並作炎

後人妄改燄按漢書五行志引傳作炎師古曰炎音弋瞻反藝文

志亦作炎師古曰炎謂火之光始燄燄也炎讀與燄同王符潛夫

論引此亦作其氣炎以取之今从諸家改定妖由人興也人無覺

焉妖不自作漢書藝文志妖並作妖按大戴禮易本命妖人弃

常則妖興故有妖漢書藝文志此二句在人厲公入遂殺傅瑕使

謂原繁曰史記作而讓其傅瑕貳周有常刑既伏其罪矣納我而

無二心者吾皆許之上大夫之事吾願與伯父圖之且寡人出伯

父無裏言入又不念寡人寡人感焉對曰先君桓公命我先人典

司宗祏註說文祏宗廟主也周禮有郊宗石室社稷有主而

外其心其何貳如之苟主社稷國內之民其誰不爲臣臣無二心天之制也子儀在位十四年矣而謀召君者庸非貳乎莊公之子猶有八人若皆以官爵行賂勸貳而可以濟事君其若之何臣聞命矣乃縊而死 蔡哀侯爲莘故讒息媯按釋文稱說文作讒今說文本闕廣雅云讒譽也周書皇門解云是陽是繩繩讒古字同呂覽周公曰作詩以讒文王之德孔鮒曰讒之譽之也表記曰君子不以口譽人鄭注譽讒也杜本此以語楚子楚子如息以食入享遂滅息以息媯歸生堵敖及成王焉史記作杜敖按史記楚世家曰子熊難立是爲杜敖索隱曰杜音側壯反十二諸侯年表作堵敖索隱曰世家作莊敖劉音壯此作杜敖劉氏云亦作杜杜堵聲相近又與世家乖未識誰是古今人表又作杜敖師古曰卽堵敖今考索隱云云則楚世家杜敖當作莊敖莊作杜傳寫誤也未言楚子問之對曰吾一婦人而事二夫縱弗能死其又奚言楚

子以蔡侯滅息遂伐蔡秋七月楚入蔡君子曰商書所謂惡之易也如火之燎于原不可鄉邇其猶可撲滅者其如蔡哀侯乎一冬會于野宋服故也

十五年春復會焉齊始霸也秋諸侯為宋伐鄭鄭人聞之而侵宋

十六年夏諸侯伐鄭宋故也釋文本或作為宋故鄭伯自櫟入緩告于楚秋

楚伐鄭及櫟為不禮故也鄭伯治與於雍糾之亂者九月殺公子

闕剛強鉏古今人表釋文隱十一年鄭有公孫闕距此三十五

年不容復有公子闕若非闕字誤則子當為孫公父定叔出奔衛

三年而復之曰不可使共叔無後於鄭使以十月入曰良月也就

盈數焉服虔云定叔之祖共叔殺有伐君之罪宜世不長而云

不可使共叔無後於鄭言其刑之偏頗鄭厲公以逆篡適同惡相

恤故黨於共叔欲令其後不絕傳所以惡厲公也本疏君子謂強鉏

不能衛其足冬同盟于幽鄭成也王使虢公命曲沃伯以一

軍為晉侯 初晉武公伐夷執夷詭諸蔣國請而免之既而弗報  
故子國作亂謂晉人曰與我伐夷而取其地遂以晉師伐夷殺夷  
詭諸周公忌父出奔號惠王立而復之

十七年春齊人執鄭詹鄭不朝也 夏遂因氏領氏工婁氏須遂氏

饗齊戍醉而殺之齊人殲焉

十八年春號公晉侯朝王王饗醴命之宥皆賜玉五穀釋文引倉

頡篇鼓作玉雙玉為鼓故字从兩玉按說文鼓字下云玉或从鼓

馬三匹非禮也王命諸侯名位不同禮亦異數隋書經籍志引不

以禮假人 號公晉侯鄭伯使原莊公逆王后于陳陳嬀歸于京

師實惠后 夏公追戎于濟西不言其來諱之也 秋有蜚為災

也詁服虔云短狐南方盛暑所生其狀如鼈古無今有含沙射人

入皮肌中其瘡如疥偏身瀆瀆或或故為災周禮 初楚武王克

權使鬬緡尹之以叛圍而殺之遷權于邾處按史記管蔡世家

曰封季載于冉索隱曰冉或作邾國語曰冉季鄭姬賈逵云文王

子聃季之國也莊十八年楚武王克權遷于邾處邾與邾皆音奴

甘反使閻敖尹之及文王即位與巴人伐申而驚其師巴人叛楚

而伐邾處取之遂門于楚閻敖游涌而逸詁水經江水又東南當

華容縣南涌水入焉杜本春秋所謂閻敖游涌而逸者也道元楚

子殺之其族為亂冬巴人因之以伐楚

十九年春楚子禦之大敗于津水經注引作詁應劭曰南郡江陵縣

有津鄉杜本此郡國志同杜本還鬻拳弗納古今人表詁鄭元箴

膏肓曰鬻拳楚同姓遂伐黃詁郡國志汝南郡弋陽侯國有黃亭

故黃國嬴姓杜同敗黃師于蹇陵還及湫有疾夏六月庚申卒鬻

拳葬諸夕室亦自殺也而葬於經皇詁按宣十四年傳屢及於室

皇經與室通正義云室皇當是寢門闕此經皇或是冢前闕也初

鬻拳強諫楚子楚子弗從臨之以兵懼而從之鬻拳曰吾懼君以

兵罪莫大焉遂自剛也楚人以為大闔謂之大伯使其後掌之君

子曰鬻拳可謂愛君矣諫以自納於刑刑猶不忘納君於善初

王姚嬖于莊王生子積釋文及別本作類誤按石經及宋本並作積舊本外傳亦作積並與說文合今从改

正下子積有寵為國為之師及惠王即位取蔣國之圃以為囿並同

說文種菜曰圃圃園有垣也按哀十五年服虔注圃園也又鄭注

周禮圃今之苑杜取邊伯之宮近於王宮王取之王奪子禽祝跪

與詹父田而收膳夫之秩鄭元周禮注秩祿廩也杜本故蔣國

邊伯石速外傳速作邀按說文邀籀文速漢書宣帝紀注師古曰邀古速字詹父子禽祝跪作亂

因蘇氏 秋五大夫奉子積以伐王不克出奔温蘇子奉子積以

奔衛衛師燕師伐周 冬立子積

二十年春鄭伯和王室不克執燕仲父服虔云南燕伯爵杜取夏

鄭伯遂以王歸王處于櫟服虔云櫟鄭大都史記秋王及鄭伯

入于鄆遂入成周取其寶器而還冬王子積享五大夫樂及徧舞



**詒**賈逵云徧舞皆舞六代之樂史記集解杜取此鄭伯聞之見號叔曰寡

人聞之哀樂失時殃咎必至今王子穧歌舞不倦樂禍也夫司寇

行戮君爲之不舉而況敢樂禍乎姦王之位禍孰大焉臨禍忘憂

憂必及之盍納王乎號公曰寡人之願也

二十一年春胥命于弭夏同伐王城鄭伯將王自圍門入號叔自北

門入殺王子穧及五大夫鄭伯享王于闕西辟服虔云西辟西

徧也當爲兩觀之內道之西也本疏穎容云闕者上有所失下得書

之于闕水經注廣雅象魏闕也杜本樂備王與之武公之略自虎牢

以東地理志河南郡成皋故虎牢穆天子傳七萃之士生捕虎

卽獻天子天子畜之東號號曰虎牢原伯曰鄭伯效尤其亦將有

咎五月鄭厲公卒王巡號守釋文本作號公爲王宮于珺王與之酒

泉鄭伯之享王也王以后之鞶鑑予之號公請器王子之爵史

記鄭世家云惠王不賜厲公爵祿索隱曰此言爵祿與左氏說異

鄭伯由是始惡于王註服虔云鞶鑑王后婦人之物非所以賜有

功爵飲酒器玉爵也一升曰爵爵人之所貴也言鄭伯以其父得

賜不如號公為是始惡于王積而成怨本疏冬王歸自虢

二十二年春陳人殺其大子御寇公穀釋文御皆作禦陳公子完與顓孫奔齊

顓孫自齊來奔齊侯使敬仲為卿辭曰羈旅之臣註賈逵云羈寄

旅客也史記集解杜取此幸若獲宥註何休公羊傳宥赦也杜本及於寬

政赦其不閑於教訓而免於罪戾風俗通於作諸弛於負擔註鄭元周禮

注弛釋下之按杜注弛去離也義轉屈曲說文儋何也从人儋聲

按漢書貨殖傳漿千儋師古曰儋人儋之也一儋兩嬰漢碑凡負

儋字皆作儋諸刊本並作擔非是今據改君之惠也所獲多矣敢

辱高位以速官謗請以死告詩云翹翹車乘註服虔云翹翹遠貌

詩疏杜招我以弓豈不欲往畏我友朋使為工正註賈逵云掌百

工史記集解漢大尉陳球碑云公子完適齊為桓公公正按古公

工通惠士奇亦同飲桓公酒樂公曰以火繼之辭曰臣卜其晝

服虔云臣將享君必卜之示戒慎也本疏按詩湛露疏引此又云示敬慎也未卜其

夜不敢君子曰酒以成禮不繼以淫風俗通不作弗義也以君成禮弗納

於淫仁也初懿氏卜妻敬仲曲禮龜曰卜此杜本按傳上云臣卜

其晝杜舍前而注後亦誤其妻占之曰吉是謂鳳皇于飛和鳴鏘

鏘有嬌之後頴容釋例云舜居西域本日嬌納將育于姜五

世其昌并于正卿服虔云言完後五世與卿並列史記集解八世之

後莫之與京賈逵云京大也同上杜取此按與下文物莫能兩大同

陳厲公蔡出也爾雅姊妹之子曰出此杜本故蔡人殺五父而立

之生敬仲其少也周史有以周易見陳侯者陳侯使筮之曲禮

著曰筮杜本遇觀三三三王充曰卜曰逢筮曰遇之否三三三賈

逵云坤下巽上觀坤下乾上否同上又云觀爻在六四變而之否

漢上易叢談正義云服說亦同杜取曰是謂觀國之光利用賓于王此

其代陳有國乎不在此其在異國周禮疏引此非此其身在其子

孫光遠而自他有耀者也石經刊本並坤土也異風也乾天也風

為天於土上山也有山之材而照之以天光於是乎居土上故曰

觀國之光利用賓于王劉用熙以此上庭實旅百韋昭云庭實

庭中之實百舉成數也爾雅旅陳也杜本奉之以玉帛天地之美

具焉故曰利用賓于王猶有觀焉故曰其在後乎風行而著於土

**註**服虔云巽在坤上故為著土也一日巽為風復為木風吹木實

落去更生他土而長育是為在異國本疏故曰其在異國乎若在異

國必姜姓也姜大嶽之後也周語云堯命禹治水共之從孫四

嶽佐之賈逵注共共工也從孫同姓未嗣之孫四岳官名太岳也

主四岳之祭焉本疏山嶽則配天物莫能兩大陳衰此其昌乎及陳

之初亡也陳桓子始大於齊其後亡也成子得政

二十三年夏公如齊觀社非禮也曹劌諫曰不可夫禮所以整民也

故會以訓上下之則制財用之節朝以正班爵之義帥長幼之序

征伐以討其不然諸侯有王註按賈公彥周禮疏引此傳文并引

注云有王朝于王疑是服注王有巡守以大習之**註**管子幼官篇

曰千里之外二千里之內諸侯三年而朝習命二千里之外三千

里之內諸侯五年而會至習命惠棟曰此所云大習者蓋習會朝

之教命也非是君不舉矣君舉必書書而不法後嗣何觀 晉桓

莊之族偪獻公患之士蔣曰註賈逵云晉大夫去富子

則羣公子可謀也已註按尋繹上下文義疑富子為羣公子之一

非強族即係多知術能為羣公子謀畫者譖而去之則羣公子失

謀主矣杜以富強解之恐誤公曰爾試其事士蔣與羣公子謀譖

富子而去之 秋丹桓宮之楹

二十四年春刻其桷皆非禮也御孫諫曰古今人表作禦釋文云本亦作御外傳作匠師慶韋

昭曰掌匠大夫御孫之名也下臣聞之儉德之共也侈惡之大也

御孫曰外傳作宗人夏父展曰

先君有共德而君納諸大惡無乃不可乎 秋哀姜至公使宗婦

覲用幣非禮也御孫曰男贄大者玉帛小者禽鳥以章物也女贄

不過榛栗棗脩 **詁**說文栗果實如小栗春秋傳曰女贄不過栗栗

廣雅栗棗也按榛說文木也一曰叢也高誘淮南王書注叢木曰

榛此女贄之栗當以說文廣雅為是先儒以為栗取其戰栗也棗

取其早起也脩取其自修也惟榛無說惠棟云正義以為榛聲近

虔失之外傳魯語曰夫婦贄不過棗栗以告虔也不及榛脩明榛

不訓虔唐元度九經字樣引傳作栗以榛為栗經典相承隸變以

告虔也 **詁**詩毛傳虔敬也 杜本此 今男女同贄是無別也男女之別

國之大節也而由夫人亂之無乃不可乎 晉士蔣又與羣公子

謀使殺游氏之二子士蔣告晉侯曰可矣不過二年君必無患

二十五年春陳女叔來聘始結陳好也嘉之故不名 夏六月辛未

朔日有食之鼓用牲于社非常也唯正月之朔慝未作 **詁**鄭元周



禮注隱陰姦也

杜略本此

日有食之於是乎用幣于社伐鼓于朝 秋

大水鼓用牲于社于門亦非常也凡天災有幣無牲非日月之眚

不鼓

韋昭國語注眚猶災也

杜本此

晉士蔿使羣公子盡殺游

氏之族乃城聚

詰

賈逵云聚晉邑

史記集解杜取此

而處之冬晉侯圍聚

盡殺羣公子

二十六年春晉士蔿為大司空夏士蔿城絳

地理志河東郡絳晉

武公自曲沃徙此

杜本此

以深其宮

秋虢人侵晉冬虢人又侵晉

二十七年春公會杞伯姬于洮非事也天子非展義不巡守諸侯非

民事不舉卿非君命不越竟

夏同盟于幽陳鄭服也

秋公子

友如陳葬原仲非禮也原仲季友之舊也

冬杞伯姬來歸甯也

凡諸侯之女歸甯曰來出曰來歸夫人歸甯曰如某出曰歸于某

晉侯將伐虢士蔿曰不可虢公驕若驟得勝於我必弃其民無

衆而後伐之欲禦我誰與夫禮樂慈愛戰所畜也夫民讓事樂和

愛親哀喪而後可用也號弗畜也亟戰將饑 王使召伯廖賜齊

侯命且請伐衛以其立子積也

二十八年春齊侯伐衛戰敗衛師數之以王命取賂而還 晉獻公

娶于賈無子烝於齊姜生秦穆夫人及大子申生又娶二女于戎

大戎狐姬生重耳小戎子生夷吾 **註** 晉語狐氏出自唐叔狐伯行

之子實生重耳按史記又云夷吾母重耳母女弟又云秦穆夫人

為太子申生同母女弟皆與此傳顯違竝不足據他倣此晉伐驪

戎驪戎男女以驪姬 淮南王書作驪姬呂 歸生奚齊 **註** 地理志京

兆尹新豐驪山在南故驪戎國 杜本 按莊子齊物論麗之姬艾封

人之子也麗艾聲相近其娣生卓子 **註** 史記晉世家曰驪姬女弟

生悼子索隱曰左傳作卓子徐廣曰一作倬按倬倬字形相近傳

寫誤耳驪姬嬖欲立其子賂外嬖梁五與東關嬖五使言於公曰

曲沃君之宗也蒲與二屈 **註** 地理志河東郡有蒲子北屈二縣 杜本

此按韋昭漢書注又云蒲今蒲坂按有南北二屈故云二水經注

稱汲郡古文云翟章救鄭次于南屈應劭曰有南故稱北是二屈

之證杜注二當為北誤君之疆也不可以無主宗邑無主則民不

威疆場無主則啓戎心戎之生心民慢其政國之患也若使大子

主曲沃而重耳夷吾主蒲與屈則可以威民而懼戎且旌君伐

按史記晉世家集解引賈逵云旌表也則賈注此傳當亦同廣雅

亦云旌表也杜云旌章也蓋用韋昭國語注下伐功亦同使俱曰

狄之廣莫於晉為都晉之啓土不亦宜乎晉侯說之夏使大子居

曲沃重耳居蒲城夷吾居屈羣公子皆鄙唯二姬之子在絳二五

卒與驪姬譖羣公子而立奚齊晉人謂之二五耦考工記耦廣

五寸二耜為耦杜本楚令尹子元欲蠱文夫人伏曼容易注

蠱惑亂也杜注及釋為館于其宮側而振萬焉鄭元禮記注振

動也何休公羊傳萬者何干舞也杜本夫人聞之泣曰先君以是

舞也習戎備也今令尹不尋諸仇讎此杜本而于

未亡人之側不亦異乎御人以告子元子元曰婦人不忘襲讎我

反忘之秋子元以車六百乘伐鄭入于桔柣之門此玉篇閭闕鄭

城門左傳作桔柣子元鬪御疆鬪梧耿之不比為旆此爾雅緇廣

充幅長尋曰旆繼旆曰旆此杜本鬪班王孫游王孫喜殿衆車入自

純門及達市縣門不發楚言而出子元曰鄭有人焉諸侯救鄭楚

師夜遁鄭人將奔桐丘此京相璠曰桐丘鄭地也今圖無而城見

存西南去許昌故城可三十五里俗名之曰隄其城南即長堤固

洧水之北防也西南桐丘其城邪長而不方蓋憑丘之稱即城之

名矣此水經注按杜注許昌縣東北有桐丘城與道元說略同謀告曰

**詁**鄭元周禮注諜間也此杜本楚幕有烏此廣雅幕帳也乃止

冬饑臧孫辰告糴于齊禮也 築郿非都也凡邑有宗廟先君

之主曰都此詩疏引此作邑有無曰邑邑曰築都曰城

二十九年春新作延廡書不時也凡馬日中而出日中而入 夏鄭

人侵許凡師有鐘鼓曰伐無曰侵輕曰襲 秋有蜚為災也凡物

不為災不書 冬十二月城諸及防書時也凡土功龍見而畢務

**詁**章昭國語注辰角大辰蒼龍之角角者星名也見者朝見東方

寒露節也 杜本此 戒事也火見而致用水昏正而栽 **詁**蔡邕月令章

句引傳曰水昏正而栽築惠棟曰水即營室也昏正者昏中也栽

築者栽木而始築也日至而畢 樊皮叛王

三十年春王命虢公討樊皮夏四月丙辰虢公入樊執樊仲皮歸于

京師 **詁**郡國志河內郡修武有陽樊服虔云樊仲山之所居故名

陽樊按漢鄧縣地亦有古樊城樂史引郭仲產摯虞等記云樊本

仲山甫之國即今襄陽縣樊城也與南虢相去亦近 楚公子元

歸自伐鄭而處王宮鬪射師諫則執而梏之 **詁**服虔云射師若敖

之子鬪班也 杜本此 鄭元周禮注在手曰梏在足曰桎 杜本此 秋申公鬪

班殺子元鬪穀於莧

漢書敘傳作穀於擇釋文云鬪穀漢書作穀按據陸氏所引則舊本作穀也今通志堂刊

本釋文敦作穀汲古閣本亦作穀皆誤

為令尹自毀其家

詁廣雅毀虧也按杜注訓

減義亦同俗本譌作滅非以紓楚國之難

詁詩毛傳紓緩也此杜本

冬遇于魯濟謀山戎也以其病燕故也

詁地理志廣陽國薊故

燕國

此杜本

三十一年夏六月齊侯來獻戎捷非禮也凡諸侯有四夷之功則獻

于王王以警于夷中國則否諸侯不相遺俘

三十二年春城小穀為管仲也齊侯為楚伐鄭之故請會于諸侯

宋公請先見于齊侯夏遇于梁丘秋七月有神降于莘惠王問

諸內史過曰是何故也對曰國之將興明神降之監其德也將亡

神又降之觀其惡也故有得神以興亦有以亡虞夏商周皆有之

詁服虔云虞舜祖考來格鳳皇來儀百獸率舞本疏王曰若之何對

曰以其物享焉

詁馬融易傳享祭也此杜本

其至之日亦其物也王



從之內史過往聞號請命反曰號必亡矣虐而聽於神神居莘六月號公使祝應宗區史嚚享焉神賜之土田史嚚曰號其亡乎吾聞之國將興聽於民將亡聽於神神聰明正直而壹者也依人而行號多涼德

**說文** 諒字下云爾雅諒薄也从无京聲廣雅同曹憲注曰諒良音世人作諒薄之諒水傍著京訓薄容古字假借今

仍之杜本 其何土之能得 初公築臺臨黨氏 **說文** 賈逵云黨氏魯

大夫任姓史記集解 見孟任史記作 **說文** 賈逵云黨氏女同上杜史

取此杜 記索隱云孟長任字也非姓從之 **說文** 服虔云從之言欲與通也本

**說文** 闕閉門也春秋傳曰闕門而與之言而以夫人言許之

割臂盟公 **說文** 服虔云割其臂以與公盟史記 生子般焉雩講于梁

氏女公子觀之 **說文** 鄭元禮記注雩祭天也杜本 按史記曰班長悅

梁氏女往觀圍人榮自牆外與梁氏女戲班怒鞭榮左傳女公子

句疑有脫文杜注云女公子子般妹亦屬臆解史記所載似近情

理且女公子之稱別無所見也圍人犖公羊傳僕人鄧扈樂自牆外與之戲

**詒**服虔云圍人掌養馬者犖其名也史記集解子般怒使鞭之公曰不

如殺之是不可鞭犖有力焉能投蓋于稷門**詒**服虔云能投千金

之重過門之上也水經注按杜注以為走而自投接其屋之楹反覆

門上殊屬臆說劉炫規之是也又按水經注稷門亦曰雩門門南

隔水有雩壇壇高三丈梁氏居蓋近此門故於此講肄也公疾問

後於叔牙對曰慶父材問於季友對曰臣以死奉般公曰鄉者牙

曰慶父材成季使以君命僖叔待于鍼巫氏使鍼季醕之**詒**服

虔云鳩鳥一名運日鳥史記集解曰飲此則有後於魯國不然死且無

後飲之歸及達泉而卒立叔孫氏 八月癸亥公薨于路寢子般

即位次于黨氏 冬十月己未共仲使圍人犖賊子般于黨氏**詒**

孔安國尚書傳賊殺也高誘呂覽注同成季奔陳**詒**服虔云季友

內知慶父之情力不能討故避其難出奔同立閔公閔公記作潁漢書志並作

啓

**詁**服虔云閔公於是年九歲

閔二年本疏

閔公元年春不書即位亂故也 狄人伐邢管敬仲言於齊侯曰戎

狄豺狼不可厭也諸夏親暱爾雅暱近也此杜本不可弃也宴安

酖毒不可懷也詩云豈不懷歸畏此簡書簡書同惡相恤之謂也

請救邢以從簡書齊人救邢 夏六月葬莊公亂故是以緩 秋

八月公及齊侯盟于落姑請復季友也齊侯許之使召諸陳公次

于郎以待之季子來歸嘉之也 冬齊仲孫湫來省難書曰仲孫

亦嘉之也仲孫歸曰不去慶父魯難未已公曰若之何而去之對

曰難不已將自斃爾雅斃踣也此杜本君其待之公曰魯可取乎

對曰不可猶秉周禮周禮所以本也臣聞之國將亡本必先顛而

後枝葉從之魯不弃周禮未可動也君其務寧魯難而親之親有

禮因重固服虔云重不可動因其不可動而堅固之本疏說文因

就也从口大按惠棟稱說文植有禮因重固固就也从口大能大

者衆圍就之今考此係徐錯說惠氏以爲說文誤也凡說文稱傳

文皆云春秋傳無云左傳者其誤無疑杜注能重能固則當就成

之義亦略同間攜貳覆昏亂霸王之器也 晉侯作二軍公將上

軍大子申生將下軍趙夙御戎註晉語趙衰先君之戎御趙夙之

弟也史記趙世家夙生共孟孟生趙衰杜注本按世本公明生孟

及趙夙夙生成季衰史記以衰爲夙孫既誤晉語又以爲夙弟益

非當以世本爲正惠棟曰晉語無繆戾至此必傳寫之誤畢萬爲

右註世本畢萬生芒季芒季生武仲州按州卽魏犇杜本以滅耿

滅霍滅魏註服虔云三國皆姬姓魏在晉之蒲坂河東也史記地

理志河東郡皮氏耿鄉故耿國彘霍大山在東杜本還爲大子城

曲沃賜趙夙耿賜畢萬魏以爲大夫士蔣曰大子不得立矣分之

都城註服虔云邑有先君之主曰都史記而位以卿註賈逵云謂

將下軍同上取此 先爲之極註服虔云言其祿位極盡於此同上又焉

得立不如逃之無使罪至為吳大伯不亦可乎

**詁**王肅云大伯知天命在王季奔吳不反同上猶有令名與其及也

**詁**王肅云雖去猶可有令名何與其坐而及禍也同上廣雅與如也襄二十六年傳亦

同且諺曰心苟無瑕何恤乎無家天若祚天子

**詁**按左傳凡祚字皆當作祚此及僖廿八年宣三年昭十一年卅年凡六處皆作祚

石經亦同以古字尚可通故不追改其無晉乎卜偃曰畢萬之後

必大

**詁**賈逵云卜偃晉掌卜大夫郭偃同上杜萬盈數也魏大名

也

**詁**服虔云數起一至萬為滿魏喻巍巍高大也同上以是始賞天

啓之矣

**詁**服虔云以魏賞畢萬是為天開其福同上天子曰兆民諸

侯曰萬民今名之大以從盈數其必有衆初畢萬筮仕於晉

**詁**服氏以為畢萬在周筮仕于晉本疏遇屯二二三二之比二二三二賈逵云震

下坎上屯坤下坎上比屯初九變之比史記集解辛廖占之曰吉

**詁**賈逵云辛廖晉大夫同上杜取此屯固比入吉孰大焉其必蕃昌震為土

車從馬足居之兄長之母覆之衆歸之六體不易合而能固安而

能殺公侯之卦也公侯之子孫必復其始註馬融云畢毛文王庶

子史記魏世家魏之先畢公高之後也社取按史記云畢公高與

周同姓而左傳富辰說文王之子十六國有畢原豐郇小司馬亦

言畢公是文王之子與史記說不同

二年春虢公敗犬戎于渭汭註水經注引作渭隊服虔云隊渭汭也

據此則服本作隊水經注又曰杜本作汭按鄭元尚書注汭隈曲

中也王肅云汭入也杜蓋本鄭說舟之僑曰無德而祿殃也殃將

至矣遂奔晉 夏吉禘于莊公速也 初公傅奪卜齋田公不禁

註賈逵云卜齋魯大夫史記集解秋八月辛丑共仲使卜齋賊公于武

闈註賈逵云宮中之門謂之闈同按賈注用爾雅釋宮文釋宮又

云其小者謂之闈今按杜注于門上增一小字是合二句為一于

註訓之道為不通矣成季以僖公適邾共仲奔莒乃入立之以賂



求共仲于莒莒人歸之及密使公子魚請不許哭而往共仲曰奚  
斯之聲也乃縊閔公哀姜之娣叔姜之子也故齊人立之共仲通  
於哀姜哀姜欲立之閔公之死也哀姜與知之故孫于邾齊人取  
而殺之于夷以其尸歸僖公請而葬之 成季之將生也桓公使

卜楚丘之父卜之曰男也其名曰友在公之右間于兩社註賈逵

云兩社周社亳社也兩社之間朝廷執政之臣所在同上杜為公

室輔季氏亡則魯不昌註服虔云謂季友出奔魯弑二君本又筮

之遇大有三三之乾三三曰同復于父敬如君所及生有文在其

手曰友遂以命之 冬十二月狄人伐衛衛懿公好鶴鶴有乘軒

者註服虔云車有藩曰軒本說文軒曲轡藩車也將戰國人受甲

者皆曰使鶴鶴實有祿位余焉能戰公與石祁子玦與甯莊子矢

使守曰以此贊國註鄭司農周禮注贊助也杜擇利而為之與

夫人繡衣曰聽於二子渠孔御戎子伯為右黃夷前驅孔嬰齊殿

及狄人戰于熒澤書禹貢熒波既豬師古曰熒沈水洙出所為

即今滎澤是也京相璠曰熒澤在滎陽縣西南按竹書紀年作洞

澤洞當作洞洞熒音同衛師敗績遂滅衛詩載馳序云衛懿公

為狄人所滅滅者懿公死也君死于位曰滅衛侯不去其旗是以

甚敗狄人囚史華龍滑與禮孔以逐衛人二人曰我大史也實掌

其祭不先國不可得也乃先之至則告守曰不可待也夜與國人

出狄入衛遂從之又敗諸河初惠公之即位也少齊人使昭伯烝

於宣姜不可強之服虔云昭伯衛宣公之長庶伋之兄宣姜宣

公夫人惠公之母詩疏生齊子戴公文公宋桓夫人許穆夫人文公

為衛之多患也先適齊及敗宋桓公逆諸河宵濟衛之遺民男女

七百有三十人益之以共滕之民為五千人立戴公以廬于曹詩

詩序及鄭箋曹竝作漕釋文云音同按漕作曹古文省說文廬寄

也詩毛傳亦同釋文寄止曰廬按管子中匡篇狄人攻衛衛人出

旅于曹則廬字從本訓為得章昭注外傳亦同許穆夫人賦載馳

齊侯使公子無虧帥車三百乘甲士三千人以戍曹歸公乘馬祭

服五稱牛羊豕雞狗皆二百與門材歸夫人魚軒服虔云魚獸

名詩重錦三十兩服虔云重牢也鄭人惡高克使帥師次

于河上久而弗召師潰而歸高克奔陳鄭人為之賦清人 晉侯

使大子申生伐東山皋落氏賈逵云東山赤狄別種服虔

云亦狄之都也水經劉昭郡國志注引上黨記東山在壺關城東

南晉申生所伐今名平泉里克諫曰高誘呂覽注賈逵云里克

晉卿里季也史記大子奉冢祀社稷之粢盛以朝夕視君膳者也

服虔云屬膳飲食取此同上杜故曰冢子君行則守有守則從服

虔云有代大子守則從之同上從曰撫軍服虔云助君撫循軍士

同上守曰監國古之制也夫帥師專行謀誓軍旅君與國政之所圖

也賈逵云國政正卿也取此同上杜非大子之事也師在制命而已

稟命則不威專命則不孝故君之嗣適不可以帥師君失其官帥

師不威將焉用之且臣聞皋落氏將戰君其舍之詔服虔云舍之

置申生弗使將兵也御公曰寡人有子未知其誰立焉不對而退

詔服虔云里克不對同上見大子大子曰吾其廢乎對曰告之以臨

民教之以軍旅詔賈逵云將下軍同上杜不共是懼何故廢乎且

子懼不孝無懼弗得立詔服虔云不得立己同上修己而不責人則

免於難大子帥師公衣之偏衣外傳作衣之詔服虔云偏衣偏袷

之衣異色駁不純袷在中左右各異故曰偏衣同上高誘呂覽注偏

半也杜取佩之金玦詔服虔云金玦以金爲玦也同上狐突御戎先

友爲右梁餘子養御罕夷先丹木爲右羊舌大夫爲尉先友曰衣

身之偏握兵之要在此行也子其勉之偏躬無慝兵要遠災親以

無災又何患焉狐突歎曰時事之徵也衣身之章也佩衷之旗也

詔韋昭國語注衷中也杜本故敬其事則命以始服其身則衣之

純用其衷則佩之度今命以時卒閱其事也衣之龙服詁鄭司農

考工記注龙雜也杜本遠其躬也佩以金玦弃其衷也服以遠之

時以閱之龙涼詁說文攏白黑雜毛牛犛廔牛也春秋傳曰攏犛

惠棟曰牛之雜色者不中為犧牲衣之不純者不得為大子若以

龙為犛義無所取古文省少或借涼為犛冬殺金寒玦離胡可恃

也雖欲勉之狄可盡乎梁餘子養曰帥師者受命於廟受賑於社

詁韋昭國語注賑宜社之肉盛以蜃器杜本有常服矣不獲而龙

命可知也死而不孝不如逃之罕夷曰龙奇無常金玦不復詁應

劭曰復反也荀卿子曰絕人以玦雖復何為君有心矣先丹木曰

列傳作僕是服也狂夫阻之詁服虔云阻止也方相之士蒙元衣

朱裳主索室中毆疫號之為狂夫止此服言君與大子以狂夫所

止之服衣之本疏韋昭云狂夫方相氏之士也阻古詛字杜注殊非

曰盡敵而反敵可盡乎雖盡敵猶有內讒不如違之詁詩毛傳違

去也杜本狐突欲行羊舌大夫曰不可違命不孝弃事不忠雖知

其寒惡不可取子其死之太子將戰狐突諫曰不可昔辛伯諗周

桓公詒說文諗深諫也春秋傳曰辛伯諗周桓公按桓十八年傳

本曰辛伯諫曰則諗訓說文為長杜注諗告也雖本詩鄭箋究當

以說文為是云內寵並后外寵二政嬖子配適大都耦國亂之本

也周公弗從故及於難今亂本成矣立可必乎孝而安民子其圖

之與其危身以速罪也詒服虔云速召也族也言太子不去自必

危疾召罪狐突知其難本既成而太子拘于一節不達至孝之義

與臬落雖戰勝而歸猶不能免乎難而使父有悖惑殺子之罪故

傳備載衆賢之言以迹太子所以死也經在僖公五年晉侯殺其

太子申生御覽成風聞成季之繇詒服虔云繇抽也抽出吉凶也

易釋文按說文卜詞本作籀繇字作繇徐鉉等曰今俗从彘遂借作

搖謠猶游猷陶悠等字只此繇字別無分別漢書文帝紀注師古



曰繇音文救反本作籀籀書也今考釋文石經並作繇姑仍之詩

鄭箋繇卦兆之辭也

杜本此

乃事之而屬僖公焉故成季立之 僖

之元年齊桓公遷邢于夷儀 **詁** 水經注引應劭曰邢侯自襄國徙

此當齊桓公時衛人伐邢邢遷于夷儀其地屬晉號曰邢丘臣瓚

注漢書曰春秋狄人伐邢邢遷夷儀不至此也今襄國西有夷儀

去襄國百餘里二年封衛于楚丘邢遷如歸衛國忘亡 衛文公

**詁** 服虔云戴公卒在於此年

詩疏

大布之衣大帛之冠 **詁** 鄭元禮記

注大白冠太古之布冠也春秋傳曰衛文公大布之衣大白之冠

正義引傳亦作大白務材訓農通商惠工敬教勸學授方任能元

年革車三十乘季年乃三百乘

### 春秋左傳詁六

香林齋藏書

...

...

...

...

...

...

...

...

...

...

...

...

春秋左傳詁七

南菁書院

陽湖洪亮吉稚存著

傳

僖公元年春不稱即位公出故也公出復入不書諱之也諱國惡禮

也諸侯救邢邢人潰出奔師師遂逐狄人具邢器用而遷之師

無私焉夏邢遷于夷儀諸侯城之救患也凡侯伯救患分災討

罪禮也秋楚人伐鄭鄭即齊故也盟于犖謀救鄭也九月公

敗邾師于偃虛丘之戍將歸者也註服虔云虛丘魯邑魯有亂邾

使兵戍虛丘魯與邾無怨因兵將還襲而敗之所以惡僖公也

冬莒人來求賂公子友敗諸鄆獲莒子之弟拏非卿也嘉獲之也

公賜季友汶陽之田及費註賈逵云汶陽鄆魯一邑史記按此則

賈逵左傳本作鄆與史記同索隱曰鄆今作費音祕水經汶水出

泰山萊蕪縣西南入濟杜本夫人氏之喪至自齊君子以齊人

之殺哀姜也為已甚矣女子從人者也

二年春諸侯城楚丘而封衛焉不書所會後也 晉荀息 **詁** 王符潛

夫論作郇息按此則息蓋晉大夫食采于郇因以為氏說文郇周

武王子所封國在晉地郇荀古字通水經注汾水下古水又西逕

荀城東古荀國也汲郡古文晉武公滅荀以賜大夫原氏 竹書紀年下有

黯又竹書紀年莊伯以曲沃叛伐翼公子萬救翼荀叔軫追之此

荀叔軫豈息之宗耶請以屈產之乘 **詁** 服氏謂產為產生也 公羊疏

與垂棘之璧假道於虞以伐虢 公羊號作郭 **詁** 賈逵云虞在晉南

號在虞南 史記集解 公曰是吾寶也對曰若得道於虞猶外府也公曰

宮之奇存焉對曰宮之奇之為人也懦而不能強諫 宋本及穀梁傳強並作彊

**詁** 廣雅懦弱也 杜本 且少長於君君暱之雖諫將不聽乃使荀息

假道於虞曰冀為不道入自顛軫 水經注 **詁** 郡國志河東郡皮氏

有冀亭大陽有顛軫坂 杜同 酈道元云傅巖東北十餘里即顛軫

坂也伐鄭三門註說文鄭晉邑春秋傳曰伐鄭三門服虔云鄭晉

別都郡國志注又云謂冀伐晉也本疏水經河水又東過砥柱間道元注

亦謂之三門矣冀之既病則亦惟君故註服虔謂虞助晉也將欲

假道稱前恩以誘之同上今號為不道保於逆旅註荀子作御旅按

御與迓同尚書迓字皆作御御迎也迎即逆也以侵敝邑之南鄙

敢請假道以請罪于號虞公許之且請先伐號宮之奇諫不聽遂

起師夏晉里克荀息帥師會虞師伐號滅下陽註服虔云下陽號

邑在大陽東北三十里史記集解水經注同惟無北字先書虞賄故也 秋盟于

貫服江黃也 齊寺人貂始漏師于多魚國語及管子呂覽劉向說苑並作豎刁漢書作

豎紹公敗戎于桑田晉卜偃曰號必亡矣亡下陽不懼而又有

功是天奪之鑿而益其疾也必易晉而不撫其民矣不可以五稔

註韋昭國語注稔熟也杜本冬楚人伐鄭鬬章囚鄭聃伯

三年春不雨夏六月雨自十月不雨至于五月不日旱不為災也

秋會于陽穀謀伐楚也 齊侯為陽穀之會來尋盟冬公子友如

齊涖盟 楚人伐鄭鄭伯欲成孔叔不可曰齊方勤我棄德不祥

**詒**爾雅祥善也 此杜本 齊侯與蔡姬乘舟于囿 **詒**王逸楚辭注囿

苑也 此杜本 蕩公 **詒**賈逵云蕩搖也 史記集解 公懼變色禁之不可

公怒歸之未之絕也 諸本並誤作未絕之也 蔡人嫁之

四年春齊侯以諸侯之師侵蔡蔡潰遂伐楚楚子使與師言曰 史記齊世

家作楚成王 君處北海寡人處南海惟是風馬牛不相及也 **詒**賈

與師問曰 達云風放也牝牡相誘曰風 書 服虔同 本 按廣雅釋名並同賈服

又呂覽乃合纍牛騰馬游牝于牧高誘注纍牛父牛也騰馬父馬

皆將羣游從牝于牧之野風合也不虞君之涉吾地也何故管仲

對曰昔召康公命我先君大公 **詒**服虔云召公奭 史記 京相璠曰

召亭在周城南十五里 水經注 曰五侯九伯 **詒**賈逵云五等諸侯

九州之伯 周禮疏 服虔云五侯公侯伯子男九伯九州之長大公



為王官之長掌司馬職以九伐之法征討邦國故得征之詩女實

征之以夾輔周室賜我先君履東至于海西至于河註服虔云是

皆大公始受封土疆界所至也史記集解南至于穆陵註春秋大事表

穆陵關在青州臨朐縣東南一百五里北至于無棣註水經注清

河又東北無棣溝出焉淇水下又引京相璠曰舊說無棣在遼西

孤竹縣通典鹽山春秋之無棣邑也酈道元云管仲以責楚無棣

在北方之為近爾貢包茅不入高誘呂覽注引傳包茅作苞茆顏師古漢書注亦同註韓非

子外儲說曰是時楚之菁茅不貢於天子三年矣賈逵云包茅菁

茅包匭之也以供祭祀史記集解王祭不共說文引傳共作供釋文云本亦作供按共供古字通

無以縮酒註說文舊禮祭束茅加于裸主而灌鬯酒是為舊象神

歆之也春秋傳曰爾貢包茅不入王祭不供無以舊酒按今本作

縮周禮鄭興注舊讀為縮寡人是徵昭王南征而不復註服虔云

周昭王南巡狩涉漢未濟船解而溺昭王王室諱之不以赴諸侯

不知故桓公以為辭責問楚也

史記集解

按高誘呂覽注引此傳作沒

而不復蓋一本有沒字唐石經于而字上亦旁增一沒字又正義

引舊說皆云漢濱之人以膠膠船故得水而壞昭王溺焉不知本

出何書寡人是問對曰貢之不入寡君之罪也敢不共給

呂覽注作敢不

乎昭王之不復君其問諸水濱宋忠云丹陽南郡枝江縣也枝

江去漢其路甚遙昭王時漢非楚境故不受罪也

本疏社取此

說文顛

水匡人所賓附顛蹙不前而止从頁从涉廣雅云濱匡也顛類比

也徐鉉曰今俗作水濱非是按詩大雅池之竭矣不云自顛毛傳

顛匡也鄭箋云顛當作濱殊誤今濱又別作濱或省作浜要皆顛

之或字也師進次于陘夏楚子使屈完如師師退次于召陵齊侯

陳諸侯之師與屈完乘而觀之齊侯曰豈不穀是為先君之好是

繼與不穀同好如何對曰君惠徼福於敝邑之社稷說文徼循

也徼幸也按玉篇徼字始要求遮二訓今尋傳義則說文循幸二

義竝通古字傲傲同釋文作傲非也杜注宣十二年傳作要福義

亦同玉篇辱收寡君寡君之願也齊侯曰以此衆戰誰能禦之以

此攻城何城不克對曰君若以德綏諸侯誰敢不服君若以力楚

國方城以為城漢水以為池釋文本或作漢以為池衍水字**詁**服虔云方城山在

漢南史記集解又云方城山也漢水名皆楚之隘塞耳詩地理志隴西

郡氏道禹貢養水所出東至武都為漢水經沔水出武都沮縣至

江夏沙羨縣入江水經注汝水又東得醴水醴水又屈而東南流

逕葉縣故城北春秋昭公十五年許遷于葉是也楚盛周衰控霸

南土欲爭強中國多築列城于北方以逼華夏故號此城為萬城

或作万字舊本唐勒奏上論曰我是楚也世霸南土自越以至葉

垂境萬里故號曰萬城也按此則方城當作萬城或作万以字近

又譌作方矣臧琳經義雜記亦云萬城與內傳大城之說合杜方城取

服說漢水本雖衆無所用之屈完及諸侯盟 陳轅濤塗謂鄭申

侯曰師出於陳鄭之間國必甚病若出於東方觀兵於東夷循海

而歸其可也申侯曰善濤塗以告齊侯許之當以齊侯絕句申侯見曰師

老矣若出於東方而遇敵懼不可用也若出於陳鄭之間共其資

糧屏履方言屏履麤履也廣雅屏履也釋名齊人謂草履曰屏履

社本其可也齊侯說與之虎牢執轅濤塗 秋伐陳討不忠也

許穆公卒于師葬之以侯禮也凡諸侯薨于朝會加一等死王事

加二等詁賈逵云謂朝天子以命用師於是御覽有以袞斂詁賈逵

云袞斂上公九命服袞也同上冬叔孫戴伯帥師會諸侯之師侵

陳陳成歸轅濤塗 初晉獻公欲以驪姬為夫人卜之不吉筮之

吉公曰從筮卜人曰筮短龜長不如從長詁馬融云筮史短龜史

長周禮疏且其繇曰專之渝攘公之掄詁說文渝變也攘除也虞翻

易注王逸楚辭章句竝同杜本一薰一蕕詁廣雅薰草蕕草也王

逸楚辭章句蕕香草也杜本按漢書薰勝傳薰以香自燒是矣禮

記內則牛夜鳴則屠鄭元注屠惡臭也春秋傳曰一薰一蕕廝廝

古通十年尚猶有臭必不可弗聽立之生奚齊其娣生卓子及將

立奚齊既與中大夫成謀姬謂大子曰君夢齊姜必速祭之大子

祭于曲沃服虔云齊姜廟所在歸胙于公穀梁作致福于君史記作歸釐

于君韋昭國語注胙祭肉也按胙止可訓肉杜注云胙祭之酒肉

則于訓詁不通矣下八年賜齊侯胙即云祭肉與韋注同公田姬

實諸宮六日公至毒而獻之晉語驪姬受胙實酖于酒實董于

肉賈逵云董鳥頭也公祭之地地墳穀梁墳作實墳古今字與犬犬斃說

文斃頓仆也春秋傳曰與犬犬斃从犬敝聲或作斃按五經文字

注云斃字見春秋傳又作斃足知唐本又多作斃字也與小臣小

臣亦斃姬泣曰賊由大子大子奔新城公殺其傅杜原款或謂大

子子辭君必辯焉大子曰君非姬氏居不安食不飽我辭姬必有

罪君老矣吾又不樂曰子其行乎大子曰君實不察其罪被此名

也以出人誰納我十二月戊申縊于新城註呂覽上德篇大子遂以劍死韋昭國語注新城曲沃也新為大子城姬遂譖二公子曰皆知之重耳奔蒲註酈道元云蒲川水出石樓山南逕蒲城東即重耳所奔之處羊求水出羊求川西逕北屈縣故城南城即夷吾所奔邑夷吾奔屈

五年春王正月辛亥朔日南至公既視朔遂登觀臺以望註左說天

子靈臺在太廟之中雍之靈沼謂之辟雍諸侯有觀臺亦在廟中

皆以望嘉祥也

五經異議

服氏云人君入太廟視朔告朔天子曰靈臺

諸侯曰觀臺在明堂之中

禮疏及通典

而書禮也凡分至啓閉必書雲

物為備故也

註

服虔云分為春秋分至為冬夏至啓立春夏也陽

氣用事為啓閉立秋冬也陰氣用事為閉雲五雲也風氣日月星

辰也分至啓閉天地之大節陰陽之分也故遂登觀臺望氣以審

妖祥變亂之氣先見于八節審其雲物之形言其所致務為之備



也御覽鄭衆云以二至二分觀雲色青爲蟲白爲喪赤爲兵荒黑爲

水黃爲豐本疏晉侯使以殺大子申生之故來告初晉侯使士蔿

爲二公子築蒲與屈不慎寘薪焉夷吾訴之公使讓之士蔿稽首

而對曰臣聞之無喪而戚憂必讎焉無戎而城讎必保焉寇讎之

保又何慎焉守官廢命不敬固讎之保不忠失忠與敬何以事君

詩云懷德惟寧宗子惟城君其修德而固宗子何城如之三年將

尋師焉焉用慎退而賦曰狐裘龙茸一國三公吾誰適從服虔

二云蒙茸以言亂兒三公言君與二公子將敵故不知所從史記及集解

難公使寺人披伐蒲註史記晉世家曰獻公使宦者履鞮趣殺重

耳韋昭國語注曰伯楚寺人勃之字也索隱曰卽左傳之勃鞮亦

曰寺人披按披勃同音履鞮急讀卽爲披重耳曰君父之命不校

諸本或作校今定作校乃徇曰校者吾讎也踰垣而走披斬其祛服虔云

祛袂也同上按說文祛衣袂也祛尺二寸春秋傳曰披斬其祛杜取服說

遂出奔翟註酈道元云晉公子重耳出亡及柏谷卜適齊楚狐偃

日不如之翟注水經夏公孫茲如牟娶焉釋文娶本又作取會于首止

會王太子鄭註服虔云惠王以惠后故將廢太子鄭而立王子帶

故齊桓帥諸侯會王太子以定其位御覽謀寧周也 陳轅宣仲怨

鄭申侯之反己於召陵故勸之城其賜邑曰美城之大名也子孫

不忘吾助子請乃為之請於諸侯而城之美遂譖諸鄭伯曰美城

其賜邑將以叛也申侯由是得罪 秋諸侯盟王使周公召鄭伯

曰吾撫女以從楚輔之以晉可以少安鄭伯喜於王命而懼其不

朝於齊也故逃歸不盟孔叔止之曰國君不可以輕輕則失親失

親患必至病而乞盟所喪多矣君必悔之弗聽逃其師而歸 楚

鬪敦於菟滅弦弦子奔黃於是江黃道柏諸本作栢今从善本定作栢 **註**地理

志汝南郡陽安應劭曰故道國又西平應劭曰故柏子國也杜本此

按杜本陽安今作安陽蓋傳寫誤汝南郡別有安陽縣應劭曰故

江國也方睦於齊皆弦姻也弦子恃之而不事楚又不設備故亡  
晉侯復假道於虞以伐虢宮之奇諫曰虢虞之表也虢亡虞必  
從之晉不可啓寇不可翫語廣雅翫習也杜本此一之謂甚其可再

乎諺所謂輔車相依諸本謂誤為今改正**語**服虔云輔上領車也與牙相依

詩疏按玉篇引說文輔頰也左氏傳曰輔車相依亦作輔今考說文

輔字下引春秋傳曰輔車相依徐鍇本有此八字徐鉉本無从車甫聲人頰車

也輔字云頰也从面甫聲不引春秋傳是許君所見左氏本作輔

字無疑玉篇引說文作輔當別有所本要之古輔輔本通故傳寫

亦不一服虔注領當作領說文領顛也是服義與許君同唇亡齒

寒者其虞虢之謂也公曰晉吾宗也豈害我哉對曰大伯虞仲大

王之昭也大伯不從史記作大伯亡去是以不嗣虢仲虢叔**語**賈逵云虢

仲封東虢制是也虢叔封西虢虢公是也馬融曰虢叔同母弟虢

仲異母弟虢仲封下陽虢叔封上陽本疏按虢有三晉太康地記扶

風郡雍西號地也平王東遷號叔自此之上陽為南號矣又下陽亦名北號水經注下陽地理志所謂北號也王季之穆也為文王卿士勳在王室藏於盟府將號是滅何愛於虞且虞能親於桓莊乎其愛之也

**詒**服虔其作甚注云愛之甚當為愛桓莊之族甚也本疏按服所據當係古文必非妄改正義譏之非是桓莊之族何罪

而以為戮不惟偏乎觀以寵偏猶尚害之況以國乎公曰吾享祀豐絜神必據我

**詒**詩毛傳據依也按玉篇等亦同蓋言神所據依較杜訓安為近對曰臣聞之鬼神非人實親惟德是依故周書曰

皇天無親惟德是輔又曰黍稷非馨明德惟馨

**詒**說文香芳也春秋傳曰黍稷馨香按杜本馨香之遠聞亦用說文又曰民不易物

惟德馨物

**詒**服虔云繫發聲也言黍稷性玉不易無德薦之則不見饗有德則言饗

詩疏如是則非德民不和神不享矣神所馮依將在德矣若晉取虞而明德以薦馨香神其吐之乎弗聽許晉使宮

之奇以其族行**詁**鄭元禮記注行去也杜本曰虞不臘矣**詁**獨斷

臘歲終大祭縱吏民宴飲非迎氣故但送不迎應劭風俗通云案

禮夏曰嘉平殷曰清祀周曰大蜡漢改曰臘御覽引舊注云臘祭

名也日月會于龍尾百物備合因于是祭羣神也今按合之禮記

月令孟冬臘門閭及先祖五祀是臘祭三代有之故宮之奇亦云

然宋儒朱子云秦時始有臘祭余一言以斷之曰史記秦本紀惠

王十一年初臘始皇二十一年改臘曰嘉平如謂臘始于秦則秦

改臘為嘉平亦云嘉平始于秦可乎又不待辨而明矣在此行也

晉不更舉矣八月甲午晉侯圍上陽**詁**地理志宏農部陝故號國

杜本酈道元云昔周召分伯以陝城為東西之別東城即號之上

陽也問於卜偃曰吾其濟乎對曰克之公曰何時對曰童謠云丙

之晨漢書律歷志龍尾伏辰均服振振**詁**賈服等皆為均同也

周禮服虔又云衾服黑服也文選惠棟云古戎服尚黑戰國策願

令補黑衣之數注云黑衣戎服漢書五行志引傳作衽

劉達吳都賦注引亦

同儀禮士冠禮曰兄弟畢衽元鄭注衽同也古文衽為均司馬彪

輿服志曰郊祀之服皆以衽元淮南子曰尸祝衽衽高誘曰衽純

服衽墨齊衣也衽衽猶衽元上下皆元故謂之黑服謂均服為黑

服失之衽古文皆作均杜氏謂戎事上下同服是也管子大匡篇

四年修兵同甲十萬同甲者均服之謂也今按周禮司几筵設筦

筵紛純鄭注云純讀為均服之均李善閒居賦注引傳作衽廣雅

云衽戎衣也左傳衽服振振呂覽悔過篇今衽服四建高誘注衽

同也兵服上下無別故曰衽服今服虔注尚作衽是漢時左氏本

作衽服也釋文亦云字書衽音同劉達吳都賦注引傳亦作衽取

號之旂鶉之賁賁天策焞焞火中成軍號公其奔漢書五行志作犇其九

月十月之交乎丙子旦

五行志引此上多十月朔三字

日在尾月在策鶉火中必

是時也冬十二月丙子朔晉滅虢虢公醜奔京師師還館于虞遂



襲虞滅之執虞公及其大夫并伯註史記晉世家曰及其大夫并

伯百里奚正義曰南雍州記云百里奚字并伯宛人也梁劉峻世

說新語注百里奚字并伯按古今人表百里奚列上之下并伯列

中之下則非一人也以媵秦穆姬註孫炎爾雅注送女曰媵杜本

而修虞祀註服虔云虞所祭祀命祀也史記集解且歸其職貢於王故

書曰晉人執虞公罪虞且言易也言上一本無且字

六年春晉侯使賈華伐屈註賈逵云晉右行大夫同按賈據僖十年

傳文為說夷吾不能守盟而行將奔狄卻芮曰註聲類卻鄉在河

內一切經音義按此則芮食采于卻後因以為氏也後出同走罪也不

如之梁梁近秦而幸焉乃之梁夏諸侯伐鄭以其逃首止之盟

故也圍新密鄭所以不時城也秋楚子圍許以救鄭諸侯救許

乃還冬蔡穆侯將許僖公以見楚子於武城註郡國志南陽郡

宛有東武亭杜同許男面縛註廣雅佃備也漢書賈誼傳佃蠶纘

以隱處兮王逸應劭注並云偃背也項籍傳馬童面之張宴曰背

之也師古亦云面謂背之不面向也偃面古字同按杜注云但見

其面可為臆說銜璧大夫衰經士輿櫬說文櫬棺也春秋傳曰

士輿櫬此杜本下襄二年亦同楚子問諸逢伯對曰昔武王克殷微

子啓如是武王親釋其縛受其璧而祓之說文祓除惡之祭也

此杜本焚其櫬禮而命之使復其所楚子從之

七年春齊人伐鄭孔叔言於鄭伯曰諺有之曰心則不競則風俗通作苟

詩毛傳競強也此杜本何憚於病詩鄭箋憚難也既不能疆此杜本

又不能弱所以斃也國危矣請下齊以救國公曰吾知其所由來

矣姑少待我對曰朝不及夕何以待君夏鄭殺申侯以說于齊

且用陳轅濤塗之譖也初申侯申出也有寵於楚文王文王將死

與之璧使行曰惟我知女女專利而不厭子取子求不女疵瑕也

呂覽注疵作玼說文疵病也鄭元禮記注瑕玉之病也陸德明釋文瑕

疵過也後之人將求多於女女必不免我死女必速行無適小國將不女容焉既葬出奔鄭又有寵於厲公子文聞其死也曰古人有言曰知臣莫若君弗可改也已

秋盟于甯母謀鄭故也管仲言於齊侯曰臣聞之招攜以禮

**註**

章昭國語注攜離也

杜本

懷遠

以德德禮不易無人不懷齊侯修禮於諸侯諸侯官受方物鄭伯使大子華聽命於會言於齊侯曰泄氏孔氏子人氏三族實違君

命君若去之

諸本若君今从石經宋本改正

以為成我以鄭為內臣君亦無所

不利焉齊侯將許之管仲曰君以禮與信屬諸侯而以姦終之無乃不可乎子父不奸之謂禮守命共時之謂信違此二者姦莫大

焉公曰諸侯有討於鄭未捷今苟有釁從之不亦可乎對曰君若綏之以德加之以訓辭而帥諸侯以討鄭鄭將覆亡之不暇豈敢

不懼若總其罪人以臨之鄭有辭矣何懼且夫合諸侯以崇德也會而列姦何以示後嗣夫諸侯之會其德刑禮義無國不記記姦

之位君盟替矣三體石經作替今从唐石經定作替字**註**詩毛傳替廢也杜本作而

不記非盛德也君其勿許鄭必受盟夫子華既為大子而求介於

大國**註**索隱稱志林介者因也杜本以弱其國亦必不免鄭有叔

詹堵叔師叔三良為政未可間也齊侯辭焉子華由是得罪於鄭

**註**服虔云鄭伯罪之也御覽冬鄭伯使請盟于齊 閏月惠王崩

襄王惡太叔帶之難釋文叔州懼不立不發喪而告難于齊

八年春盟于洮謀王室也鄭伯乞盟請服也襄王定位而後發喪

晉里克帥師梁由靡御號射為右以敗狄于采桑史記作醬桑**註**服虔

云狄地也史記集解郡國志河東郡北屈有采桑津杜同梁由靡曰狄

無恥從之必大克里克曰懼之而已無速衆狄號射曰期年狄必

至示之弱矣 夏狄伐晉報采桑之役也復期月 秋禘而致哀

姜焉非禮也凡夫人不薨于寢不殯于廟**註**服氏云不薨于寢寢

謂小寢杜取不殯于廟廟謂殯宮鬼神所在謂之廟禮記不赴于

同不祔于姑則弗致也 冬王人來告喪難故也是以緩 宋公

疾大子茲父史記作茲甫 固請曰目夷長且仁君其立之公命子魚子

魚辭曰能以國讓仁孰大焉臣不及也且又不順遂走而退

九年春宋桓公卒未葬而襄公會諸侯故曰子凡在喪王曰小童公

侯曰子 夏會于葵丘尋盟且修好禮也王使宰孔賜齊侯胙

周禮大行人正義引傳文并引注云周禮賑藩之禮親兄弟之國

不以賜異姓尊齊侯客之若先代之後按此當是服注杜亦本此

立說曰天子有事于文武使孔賜伯舅胙齊侯將下拜孔曰且有

後命天子使孔曰以伯舅耄老馬融易注七十曰耄服虔同

杜取 加勞賜一級鄭元禮記注級等也 無下拜對曰天威

不違顏咫尺方言云顏額為額也中夏謂之額東齊謂之額河

穎淮泗之間謂之顏賈逵國語注八尺曰咫說文周禮寸尺咫尋

皆以人之體為法中婦人手長八寸謂咫杜取 小白余敢貪天子

之命無下拜註爾雅余身舍人曰余卑謙之身也

杜本

按岳氏本

以白字絕句今考釋註文朕余躬身也邢昺疏引此傳云齊侯曰

小白余是當以余字為句恐隕越于下以遺天子羞敢不下拜下

拜登受 秋齊侯盟諸侯于葵丘曰凡我同盟之人既盟之後言

歸于好宰孔先歸遇晉侯曰可無會也齊侯不務德水經注引作不務修德

而勤遠略故北伐山戎南伐楚西為此會也東略之不知西則否

矣其在亂乎在水經注作有鄭元儀禮注在存也杜本君務靖亂無勤

於行晉侯乃還 九月晉獻公卒里克平鄭外傳作丕史記賈

達云晉大夫史記集解欲納文公故以三公子之徒作亂賈達云二

公子申生重耳夷吾同上杜初獻公使荀息傅奚齊公疾召之曰

以是藐諸孤註方言眇小也眇藐古字通按惠氏譏顧氏炎武訓

藐為小為未當不知實本方言呂諶字林又云藐小兒笑也辱在

大夫其若之何稽首而對曰臣竭其股肱之力加之以忠貞其濟



君之靈也不濟則以死繼之公曰何謂忠貞對曰公家之利知無不為忠也送往事居耦俱無猜貞也

**註**

廣雅耦二也猜疑也按杜

注訓耦為兩亦此意及里克將殺奚齊先告荀息曰三怨將作秦

晉輔之子將何如荀息曰將死之里克曰無益也荀叔曰吾與先

君言矣不可以貳能欲復言而愛身乎雖無益也將焉辟之且人

之欲善誰不如我我欲無貳而能謂人已乎冬十月里克殺奚齊

于次書曰殺其君之子未葬也荀息將死之人曰不如立卓子而

輔之荀息立公子卓以葬十一月里克殺公子卓于朝荀息死之

君子曰詩所謂白圭之玷尚可磨也

史記圭作瑋尚作猶

**註**詩毛傳玷缺也

杜本此按說文引詩玷作剗

斯言之玷不可為也荀息有焉齊侯以諸侯之師

伐晉及高梁而還

**註**服虔云晉地也

史記郡國志河東郡楊有高

梁亭

杜同

討晉亂也令不及魯故不書

釋文命本

晉卻芮使夷吾

重賂秦以求入曰人實有國我何愛焉入而能民土於何有從之

齊隰朋語王符潛夫論隰氏姜姓帥師會秦師納晉惠公秦伯謂

卻芮曰公子誰恃對曰臣聞亡人無黨有黨必有讎夷吾弱不好

弄語爾雅弄玩也能鬪不過長亦不改不識其他公謂公孫枝曰

史記作支語服虔云秦大夫公孫子桑史記集解夷吾其定乎對曰臣聞之

惟則定國語爾雅則法也杜本按呂覽權勳篇赤章曼枝曰詩曰

惟則定國則此四字乃逸詩也詩曰不識不知順帝之則文王之

謂也又曰不僭不賊鮮不為則語廣雅僭差也高誘呂覽注賊害

也杜本無好無惡不忌不克之謂也今其言多忌克難哉公曰忌

則多怨又焉能克是吾利也宋襄公即位以公子目夷為仁使

為左師以聽政於是宋治故魚氏世為左師

十年春秋滅溫蘇子無信也蘇子叛王即狄又不能於狄狄人伐之

王不救故滅蘇子奔衛夏四月周公忌父語賈逵云周卿士史

集解取此杜王子黨會齊隰朋立晉侯晉侯殺里克以說將殺里克公

使謂之曰微子則不及此雖然子弑二君與一大夫文選注引 **詁**

服虔云奚齊卓子荀息也同上為子君者不亦難乎 **詁**按公羊傳作

不亦病乎廣雅病難也對曰不有廢也君何以興欲加之罪其無

辭乎臣聞命矣伏劍而死於是平鄭聘于秦且謝緩賂故不及

晉侯改葬共大子外傳大作世檀弓史記漢書共並作恭 秋狐突適下國 **詁**服虔云

晉所滅國以為下邑一曰曲沃有宗廟故謂之國在絳下故曰下

國也同上按說苑立節篇獻公卒突即辭歸自殺蓋屬虛語遇大子

大子使登僕 **詁**論衡死偽篇引作大子超登僕車而告之曰而告

之曰夷吾無禮 **詁**賈逵云烝於獻公夫人賈君故曰無禮馬融云

申生不自明而死夷吾改葬之章父之過故曰無禮本疏余得請於

帝矣 **詁**服虔云帝天帝謂罰有罪史記集解將以晉昇秦秦將祀余對

曰臣聞之神不歆非類 **詁**賈逵國語注歆貪也按說文歆神食氣

也義亦與賈同杜注歆饗也本詩毛傳民不祀非族君祀毋乃殄

乎詒詩毛傳殄絕也此杜本且民何罪失刑乏祀君其圖之君曰諾

吾將復請七日史記作後十日新城西偏將有巫者而見我焉許之遂不

見及期而往告之曰帝許我罰有罪矣敝於韓史記作弊論衡敝下多一之字詒

賈逵云敝敗也韓晉韓原史記集解平鄭之如秦也言於秦伯曰呂甥

史記作呂省詒按呂甥先又嘗食邑于號竹書紀年晉獻公十有九年

伐號滅下陽命瑕父呂甥邑于號水經注云地理志所謂北號也

卻稱冀芮實為不從若重問以召之臣出晉君君納重耳蔑不濟

矣詒詩毛傳蔑無也此杜本冬秦伯使泠至報問且召三子卻芮曰

幣重而言甘誘我也遂殺平鄭祁舉及七輿大夫詒服虔云下軍

之輿帥七人屬申生者襄二十三年下軍輿帥七人往前申生將

下軍今七輿大夫為申生報怨欒盈將下軍故七輿大夫與欒氏

本疏按劉炫亦為服言是不取杜說左行共華右行賈華叔堅雖敝

纍虎特宮山祁詒按此上七人即七輿大夫之名皆里平之黨也

平豹奔秦

李斯書  
平作卻

言於秦伯曰晉侯背大主而忘小怨民弗與也

伐之必出公曰失衆焉能殺違禍誰能出君

十一年春晉侯使以平鄭之亂來告 天王使召武公內史過賜晉

侯命受玉惰

**詁**

說文惰不敬也从心隋省春秋傳曰受玉惰或省

旨過歸告王曰晉侯其無後乎王賜之命而惰於受瑞先自棄也

已其何繼之有禮國之幹也敬禮之輿也不敬則禮不行禮不行

則上下昏何以長世

夏揚拒泉皋

**詁**

郡國志河南郡維陽有前

亭按泉前古字通

杜同

伊洛之戎同伐京師入王城焚東門王子

帶召之也秦晉伐戎以救周秋晉侯平戎于王 黃人不歸楚貢

冬楚人伐黃

十二年春諸侯城衛楚丘之郢懼狄難也

**詁**

章昭國語注郢郢也

杜本

此

黃人恃諸侯之睦于齊也不共楚職曰自郢及我九百里焉

能害我夏楚滅黃

**詁**

史記楚世家作滅英徐廣曰年表及他本皆



作英一本作黃正義曰英國在淮南蓋蓼國也不知改名時今按

滅蓼在魯文公三年時為楚穆王四年非此一時事王以戎難

故討王子帶秋王子帶奔齊冬齊侯使管夷吾平戎于王使隰

朋平戎于晉註韋昭國語注平和也服虔云戎伐周晉伐戎救周

故和也史記集解王以上卿之禮饗管仲管仲辭曰臣賤有司也

有天子之二守國高在若節春秋註賈逵云節時也同上杜王肅

云春秋聘享之節也同上來承王命何以禮焉陪臣敢辭註服虔云

陪重也諸侯之臣于天子故曰陪臣同上王曰舅氏註賈逵云舅氏

言伯舅之使也同上杜余嘉乃勳應乃懿德註惠棟曰應讀為膺

言膺受女美德也古文皆以應為膺謂督不忘註爾雅督正也往

踐乃職無逆朕命管仲受下卿之禮而還君子曰管氏之世祀也

宜哉讓不忘其上詩云愷悌君子註爾雅愷樂也悌易也杜本神

所勞矣



十三年春齊侯使仲孫湫聘于周且言王子帶事畢不與王言歸復命曰未可王怒未怠其十年乎不十年王弗召也夏會于鹹淮

夷病杞故且謀王室也

秋為戎難故諸侯戍周

毛傳戍守也

杜本

齊仲孫湫致之

冬晉薦饑

按文選注引傳作晉游饑字

書曰游仍也爾雅穀不熟為饑仍饑為薦李巡曰連歲不熟曰薦

杜注麥禾皆不熟蓋亦本此使乞糴于秦秦伯謂子桑與諸乎曰

重施而報君將何求重施而不報其民必攜攜而討焉無眾必敗

謂百里與諸乎

服虔云百里奚秦大夫

史記集解

對曰天災流行

史記

作蓄下同

國家代有救災恤鄰道也行道有福平鄭之子豹在秦請伐

晉秦伯曰其君是惡其民何罪秦於是乎輸粟于晉自雍及絳

服虔云雍秦國都絳晉國都

同上杜取此

相繼命之曰汎舟之役

雍近渭絳近河以舟輸粟故云汎舟之役也

十四年春諸侯城緣陵而遷杞焉不書其人有闕也 鄆季姬來甯

公怒止之以鄆子之不朝也夏遇于防而使來朝 秋八月辛卯

沙鹿崩晉卜偃曰期年將有大咎幾亡國 冬秦饑使乞糴于晉

晉人弗與慶鄭曰背施無親幸災不仁貪愛不祥怒鄰不義四德

皆失何以守國虢射曰皮之不存毛將安傅慶鄭曰棄信背鄰患

孰恤之無信患作失援必斃是則然矣虢射曰無損於怒而厚於

寇不如弗與慶鄭曰背施幸災民所棄也近猶讎之況怨敵乎弗

聽退曰君其悔是哉

十五年春楚人伐徐徐即諸夏故也三月盟于牡丘尋葵丘之盟且

救徐也孟穆伯帥師及諸侯之師救徐諸侯次于匡 諸本並作匡蓋相沿避宋

諱今皆改以待之 夏五月日有食之不書朔與日官失之也 正下同

秋伐厲以救徐也 晉侯之入也秦穆姬屬賈君焉 **註**按杜注賈

君晉獻公次妃既無明文惟左傳云獻公娶于賈則賈乃正妃獻

公即位二十六年而卒若係正妃則惠公即位年齒已高無由更

爲所烝唐固說賈君爲申生之妃情事較合故申生有夷吾無禮  
之言惠棟左傳補注所見亦同且云盡納羣公子晉侯烝於賈君  
又不納羣公子是以穆姬怨之晉侯許賂中大夫旣而皆背之賂  
秦伯以河外列城五東盡虢略南及華山內及解梁城

**詒**

郡國志

宏農郡陸渾西有虢略地華陰有太華山河東郡解有解城

杜同此

旣而不與晉饑秦輸之粟秦饑晉閉之糴故秦伯伐晉卜徒父筮  
之吉涉河侯車敗

**詒**

爾雅敗覆也詒之對曰乃大吉也三敗必獲

晉君其卦遇蠱三三曰千乘三去

**詒**

惠棟云上林賦曰江河爲陸

注云遮禽獸爲陸陸卽去實一字三去之餘獲其雄狐夫狐蠱必

其君也蠱之貞風也其悔山也歲云秋矣我落其實而取其材所

以克也實落材亡不敗何待三敗及韓晉侯謂慶鄭曰寇深矣若

之何對曰君實深之可若何公曰不孫

**詒**

服虔云孫順也

史記卜

右慶鄭吉弗使步揚御戎家僕徒爲右

史記揚作陽

**詒**

服虔云二子晉

大夫也同上乘小駟鄭入也慶鄭曰古者大事必乘其產生其水土

而知其人心安其教訓而服習其道惟所納之無不如志今乘異

產以從戎事及懼而變將與人易亂氣狡憤音義賈達國語注憤盛

也一切經按賈注此傳亦當作盛滿解鄭元樂記注賈讀為憤怒

氣充實也春秋傳血氣狡憤王粲登樓賦氣交憤于胸臆李善注

引杜云交戾也是交狡賁憤古字並通陰血周作張脈憤興音義說

文血理之分衮行體中者从辰从血血或从肉籀文作脈按此

則今本作脈不誤釋文石經並同張有復古編以為俗作脈非過

矣憤當作賁或作瀆禮記射義賁軍之將鄭元注賁讀為憤穀梁

僖十年傳地賁范甯注賁沸起也又管子勢以待天下之瀆作也

尹知章云動亂也陸氏附注以為憤無動義譏杜失之是矣外疆

中乾進退不可周旋不能君必悔之弗聽九月晉侯逆秦師使韓

簡視師復曰師少於我鬪士倍我公曰何故對曰出因其資入用

其寵饑食其粟三施而無報是以來也今又擊之我怠秦奮倍猶未也公曰一夫不可狃爾雅狃復也孫炎注狃狃前事復為也

按杜注狃狃也即本此況國乎遂使請戰曰寡人不佞能合其衆

而不能離也君若不還無所逃命秦伯使公孫枝對曰君之未入

寡人懼之入而未定列猶吾憂也苟列定矣敢不承命韓簡退曰

吾幸而得囚壬戌戰于韓原晉戎馬還瀟而止鄭元禮記注還

言便也廣雅瀟泥也杜本公號慶鄭慶鄭曰復諫違卜高誘呂

覽注復戾也杜本固敗是求又何逃焉遂去之梁由靡御韓簡史記

由作號射為右服虔云號射惠公舅輅秦伯服虔云輅

迎也同上杜將止之韋昭國語注止獲也鄭以救公誤之

遂失秦伯秦獲晉侯以歸晉大夫反首拔舍從之詩疏拔周禮

夏官司馬中夏教芟舍鄭注云芟讀如萊沛之沛芟舍草止也軍

有草止之法說文芟舍也从广友聲詩曰召伯所芟按此則字當

作友跋拔芟古字通秦伯使辭焉曰二三子何其感也寡人之從

君而西也亦晉之妖夢是踐豈敢以至晉大夫三拜稽首曰君履

后土而戴皇天周禮禮記疏並引作戴皇天而履后土皇天后土實聞君之言羣臣

敢在下風穆姬聞晉侯將至以天子營弘與女簡璧登臺而履薪

焉使以免服衰絰逆且告按此下傳文或有上天降災使我兩

君匪以玉帛相見而以興戎若晉君朝以入則婢子夕以死夕以

入則朝以死惟君裁之釋文曰自上天降災至此凡四十七字檢

古文皆無尋杜注亦不得有有是後人妄加也今按釋文四十七

字七當作二蓋誤并乃舍諸靈臺五字數之耳此後人校勘之疏

孔疏亦云服虔解誼其文甚煩傳本若有此文服虔必應多解何

由四十餘字不解一言亦至二十三年始解婢子明是本無之也

據此則服杜本尚皆不誤服杜以後人妄增今據削去乃舍諸靈

臺詩含神霧云作邑于豐起靈臺易乾鑿度云伐崇作靈臺孔



穎達疏云是靈臺在豐邑之都內也水經注豐水又北逕靈臺西

括地志雍州長安縣有靈臺高二丈周回百二十步今按杜注云

所以杜絕令不得通外內或即以此大夫請以入公曰獲晉侯以

厚歸也既而喪歸焉用之大夫其何有焉且晉人感憂以重我天

地以要我不得圖晉憂重其怒也我食吾言背天地也重怒難任

韋昭國語注任當也杜本此背天不祥必歸晉君公子繫曰

國語注據禮記云繫字子顯盧植曰古者名字相配顯當為繫不

如殺之無聚慝焉子桑曰歸之而質其大子必得大成晉未可滅

而殺其君祇以成惡祇刊本多誤作祇說文緹从糸是聲緹或从氏詩

毛傳祇適也玉篇祇之移切適也又音岐漢書竇嬰傳祇皆對是

明揚主上之過師古曰祇音支其字从祇今从石經定作祇字且

史佚有言曰無始禍無怙亂無重怒重怒難任陵人不祥乃許晉

平晉侯使卻乞告瑕呂飴甥按竹書紀年作瑕父呂甥今考呂

甥先食采于瑕故稱曰瑕父郡國志河東郡解有瑕城是也後又

食采于呂故又稱瑕呂劉昭補注引張華博物志河東郡永安有

呂鄉呂甥邑也是瑕呂皆所食采地杜注云姓瑕呂名飴甥非矣

下傳云陰飴甥陰亦采邑名且召之子金教之言曰朝國人而以

君命賞且告之曰孤雖歸辱社稷矣其卜貳圍也鄭元禮記注貳作二**詁**鄭

司農周禮注貳副也按杜訓貳為代非眾皆哭晉於是乎作爰田

**詁**服虔孔晁皆云爰易也賞眾以田易其疆畔本疏按外傳作轅田

賈逵注轅車也以田出車賦說文云爰引也籀文以為車轅字又

按起田易居也徐鍇繫傳云爰轅皆假借此乃正字謂以田相換

易也孟康地理志注轅爰同今考爰田當以賈義為長杜注取服

虔說呂甥曰君亡之不恤而羣臣是憂惠之至也將若君何衆曰

何為而可對曰征繕以輔孺子**詁**韋昭國語注征賦也廣雅繕治

也杜本此諸侯聞之喪君有君羣臣輯睦甲兵益多好我者勸惡我

者懼庶有益乎衆說晉於是乎作州兵詒按作州兵蓋亦改易兵

制或使二千五百家略增兵額故上云甲兵益多非僅修繕兵甲

而已杜注似非初晉獻公筮嫁伯姬於秦遇歸妹三三三之睽三三三

史蘇占之曰不吉其繇曰士刳羊亦無益也詒說文益血也春秋

傳曰士刳羊亦無益也廣雅同杜本女承筐亦無貺也釋文貺本亦作況

詒詩毛傳貺賜也杜本服虔以離為戈兵兌為羊震變為離是用

兵刺羊之象也三至五有坎象坎為血血在羊上故刺無血也震

為竹竹為筐震變為離離為火火動而上其施不下故筐無實也

同西鄰責言不可償也詒服虔以為三至五為坎坎為月月生西

方故為西鄰坎為水兌為澤澤聚水故坎責之澤澤償水則竭故

責言不可償同歸妹之睽猶無相也詒服虔云兌為金離為火金

火相遇而相害故無助也同應劭漢書注相助也杜本震之離亦

離之震為雷為火為羸敗姬詒服虔云離為日為火秦嬴姓水位

一至五有坎象水勝火故為羸敗姪同車說其輓說文輓車軸

縛也馬融易注輓車下縛也杜本火焚其旗不利行師敗于宗丘

**詁**服虔云五至二有坎為水象震為車車得水而脫其輓也震為

龍龍為諸侯旗離之震故火焚其旗也震東方木兌西方金木遇

金必敗韓有先君之宗廟故曰宗丘同說文四邑為丘杜本鄭元

禮記注丘與區同歸妹睽孤寇張之弧詁服虔云坎為寇為弓故

曰寇張之弧同姪其從姑詁爾雅父之姊妹為姑女子謂昆弟之

子為姪杜本六年其逋詁廣雅逋亡也杜本逃歸其國而棄其家

明年其死于高梁之虛詁郡國志河東郡楊有高梁亭杜同及惠

公在秦曰先君若從史蘇之占吾不及此夫韓簡侍曰龜象也筮

數也物生而後有象象而後有滋滋而後有數先君之敗德及可

數乎釋文以先君之**詁**按及可數乎猶數可及乎蓋倒字法也今

仍以及字屬下讀史蘇是占勿從何益詩曰下民之孽匪降自天

傳杳背憎職競由人詁詩作樽按說文樽聚語也傳聚也並引詩

小雅傳樽古字同 震夷伯之廟罪之也於是展氏有隱慝焉

冬宋人伐曹討舊怨也 楚敗徐于婁林徐恃救也 十月晉陰

飴甥會秦伯盟于王城詁郡國志左馮翊臨晉有王城杜本秦伯

曰晉國和乎對曰不和小人恥失其君而悼喪其親不憚征繕以

立圍也曰必報讎寧事戎狄君子愛其君而知其罪不憚征繕以

待秦命曰必報德有死無二以此不和秦伯曰國謂君何對曰小

人感謂之不免君子恕以為必歸小人曰我毒秦秦豈歸君君子

曰我知罪矣秦必歸君貳而執之服而舍之德莫厚焉刑莫威焉

服者懷德貳者畏刑此一役也詁服虔云一役者謂韓戰之役同上

秦可以霸納而不定廢而不立以德為怨秦不其然秦伯曰是吾

心也改館晉侯饋七牢焉史記作餽詁賈逵云諸侯雍饋七牢牛一羊

一豕一為一牢也史記集解杜取此 蛾析外傳作 謂慶鄭曰詁釋文曰蛾

本或作蟻惠棟云婁壽曰蛾與蟻通漢書白蛾羣飛扶服蛾伏陳  
球後碑聚蛾蜂動仲秋下旬碑蛾附皆與蟻同今按禮記蛾子時

術之後漢書皇甫嵩傳時人謂之黃巾亦名爲蛾賊注蛾音魚綺

反即蟻字也今釋文有五何反廣韻于歌部列晉大夫蛾析似誤

盍行乎對曰陷君於敗敗而不死又使失刑非人臣也臣而不臣

行將焉入十一月晉侯歸丁丑殺慶鄭而後入是歲晉又饑秦伯

又餽之粟曰吾怨其君而矜其民且吾聞唐叔之封也箕子曰

馬融王肅皆以箕子爲紂諸父史記集解鄭元王肅皆以爲諸父服杜

以爲紂之庶兄本疏按此則杜取服說其後必大晉其庸可冀乎姑

樹德焉以待能者於是秦始征晉河東置官司焉

十六年春隕石于宋五隕星也註按御覽引水經注云睢陽有隕石

水一名漆溝左傳曰隕石于宋五隕星也故老云此水有時涸竭

五石存焉故名隕石水墜處爲津六鵝退飛過宋都風也註賈逵



云風起于遠至宋都高而疾故鵠逢風卻退史記集解周內史叔與聘

于宋宋襄公問焉曰是何祥也吉凶焉在漢書五行志對曰今茲魯

多大喪明年齊有亂君將得諸侯而不終語賈逵云石山岳之物

齊大岳之尤而五石隕宋象齊桓卒而五公子作亂宋將得諸侯

而治五公子之亂鵠退不成之象從六年霸業退也鵠水鳥陽中

之陰象君臣之訟闕也穀梁疏退而告人曰君失問是陰陽之事非

吉凶所生也漢書所字上有之字語服虔云鵠退風咎君行所致非吉凶所

從生襄公不問己有所失而致此變但問吉凶焉在以爲石隕鵠

退吉凶所從而生故云君失問本吉凶由人漢書由作繇語按由字當

是古專字說文專木生條也又別有繼云繼徑也假借作由古字

多通吾不敢逆君故也 夏齊伐厲不克救徐而還 秋狄侵晉

取狐廚受鐸涉汾及昆都語按狐即狐突食邑廚即廚武子食邑

鐸即鐸遏寇食邑水經汾水出太原汾陽縣北至汾陰縣入河杜本

此因晉敗也 王以戎難告于齊齊徵諸侯戍周諸本戍上行而字今从石經刪

冬十一月乙卯鄭殺子華 十二月會于淮謀鄆且東略也城

鄆役人病有夜登丘而呼曰齊有亂不果城而還

十七年春齊人為徐伐英氏以報婁林之役也 夏晉大子圉為質

于秦秦歸河東而妻之惠公之在梁也梁伯妻之梁嬴孕過期

說文孕懷子也杜本此卜招父與其子卜之其子曰將生一男一女

招曰然男為人臣女為人妾故名男曰圉女曰妾服虔云圉人

掌養馬官之賤者不聘曰妾史記集解說文春秋云女為妾妾不聘也

杜取此及子圉西質妾為宦女焉 師滅項淮之會公有諸侯之事

未歸而取項齊人以為討而止公 秋聲姜以公故會齊侯于卜

九月公至書曰至自會猶有諸侯之事焉且諱之也 齊侯之夫

人三王姬徐嬴史記作徐姬蔡姬皆無子齊侯好內服虔云內婦官

也史記集解多內寵按漢書顏師古注文選李善注引此傳皆無內字今考此內字蓋因後內寵之文而衍且服杜皆舍

此句而注下句其意自明但內嬖如夫人者六人長衛姬生武孟石經宋本皆有此字姑仍之

少衛姬生惠公鄭姬生孝公葛嬴生昭公密姬生懿公宋華子生

公子雍賈逵云宋華氏之女子取此同上杜公與管仲屬孝公於宋

襄公以為大子雍巫有寵於衛共姬賈逵云雍巫雍人名巫易

牙字同上杜取此按管子有棠巫與此或係一人因寺人貂以薦羞於

公亦有寵公許之立武孟管仲卒五公子皆求立冬十月乙亥齊

桓公卒易牙入賈誼新書作狄牙大戴禮記淮南與寺人貂因內

寵以殺羣吏服虔云內寵如夫人者六人羣吏諸大夫也取此同上而

立公子無虧史記漢書人表作無詭孝公奔宋十二月乙亥赴辛巳夜殯

十八年春宋襄公以諸侯伐齊三月齊人殺無虧鄭伯始朝于楚

楚子賜之金既而悔之與之盟曰無以鑄兵故以鑄三鐘齊人

將立孝公不勝四公子之徒遂與宋人戰夏五月宋敗齊師于鹹

立孝公而還秋八月葬齊桓公冬邢人狄人伐衛圍葵圃衛

侯以國讓父兄子弟及朝衆曰苟能治之燬請從焉賈誼新書

衛侯朝于周周行人問其名答曰衛侯辟疆周行人還之曰啓疆

辟疆天子之號諸侯弗得用衛侯更其名曰燬然後受之衆不可

而後師于訾婁別本後作從誤狄師還 梁伯益其國而不能實也命曰

新里秦取之

十九年春遂城而居之 宋人執滕宣公 夏宋公使邾文公用鄫

子于次睢之社水經睢水出梁郡鄆縣東流當蕭縣南入于陂

張華博物志琅邪臨沂縣東界次睢有大叢社民謂之食人社卽

此郡國志琅邪沂有叢亭欲以屬東夷司馬子魚曰古者六畜不

相爲用小事不用大牲而況敢用人乎祭祀以爲人也風俗通引此無祀字

下句引傳作民人神之主也 民神之主也用人其誰饗之齊桓公存三亡國以

屬諸侯義士猶曰薄德今一會而虐二國之君又用諸淫昏之鬼

將以求霸不亦難乎得死爲幸 秋衛人伐邢以報菟園之役於

是衛大旱卜有事于山川不吉甯莊子曰昔周饑克殷而年豐今

邢方無道諸侯無伯爾雅伯長也杜本天其或者欲使衛討邢

乎從之師興而雨 宋人圍曹討不服也子魚言於宋公曰文王

聞崇德亂而伐之軍三旬而不降退修教而復伐之釋文云伐衍字按石經宋

本並有因壘而降詩曰刑于寡妻詩毛傳刑法也杜本至于兄

弟以御于家邦今君德毋乃猶有所闕而以伐人若之何盍姑內

省德乎無闕而後動 陳穆公請修好於諸侯以無忘齊桓之德

冬盟于齊修齊桓之好也 梁亡不書其主自取之也初梁伯好

土功亟城而弗處民罷而弗堪則曰某寇將至乃溝公宮賈逵

云溝塹也史記集解曰秦將襲我民懼而潰秦遂取梁

二十年春新作南門書不時也凡啓塞從時服虔云闔扇所以開

鍵閉所以塞月令仲春修闔扇孟冬修鍵閉從此時也疏本滑人

叛鄭而服於衛賈逵云滑姬姓之國史記集解夏鄭公子士泄堵寇



帥師入滑 秋齊狄盟于邢為邢謀衛難也於是衛方病邢 隨

以漢東諸侯叛楚冬楚鬪敦於菟帥師伐隨取成而還君子曰隨

之見伐不量力也量力而動其過鮮矣善敗由己而由人乎哉詩

曰豈不夙夜謂行多露 宋襄公欲合諸侯臧文仲聞之曰以欲

從人則可以人從欲鮮濟

二十一年春宋人為鹿上之盟以求諸侯于楚楚人許之公子目夷

曰小國爭盟禍也宋其亡乎幸而後敗 夏大旱公欲焚巫尪臧

文仲曰非旱備也修城郭 服虔云國家凶荒則無道之國乘而

加兵故修城郭為守備也 本疏 貶食省用務穡 論衡引 勸分 鄭元

儀禮注收斂曰穡按杜注穡儉也疑字近而誤此其務也巫尪何

為天欲殺之則如勿生若能為旱焚之滋甚公從之是歲也饑而

不害 秋諸侯會宋公于孟子魚曰禍其在此乎君欲已甚其何

以堪之於是楚執宋公以伐宋冬會于薄以釋之子魚曰禍猶未



也未足以懲君 任宿須句顓臾

郡國志東平國無鹽本宿國

任姓杜同京相璠曰須胸一國二名蓋遷都須昌胸是其本杜注

在東平須昌縣西北道元云杜注非也地理志曰壽張西北有胸

城者是也郡國志泰山郡南武陽有顓臾城杜同風姓也釋文本

或作皆風實司大皞與有濟之祀

詩手傳司主也杜本按皞與昊通禮

記月令其帝大皞釋文皞亦作昊昭十七年鄭子來朝篇少皞大

皞漢書律歷五行等志引作少昊大昊孔子世家家語並同說文

作皞又漢書鄭崇傳欲報之德皞天罔極師古曰皞字與昊同今

从石經及善本定作皞字又按水經濟濟水與河合流至乘氏縣又

分爲二其一又東北過壽張縣西界又北過須昌縣西是此上四

國皆近濟水必當有濟水之祠故世守其祀也杜注以服事諸夏

邾人滅須句須句子來奔因成風也賈氏曰但因成風來不見

周禮也詩毛傳保安也此杜本蠻夷猾夏周禍也若封須句是崇

皞濟而修祀紆禍也

二十二年春伐邾取須句反其君焉禮也三月鄭伯如楚夏宋

公伐鄭子魚曰所謂禍在此矣初平王之東遷也辛有適伊川

見被髮而祭於野者曰不及百年此其戎乎其禮先亡矣秋秦晉

遷陸渾之戎于伊川晉大子圉為質於秦將逃歸謂嬴氏曰與

子歸乎對曰子晉大子而辱於秦子之欲歸不亦宜乎寡君之使

婢子服虔云曲禮曰世婦以下自稱婢子婢子婦人之卑稱史記

集解杜侍執巾櫛以固子也從子而歸弃君命也不敢從亦不敢

言遂逃歸富辰言於王曰服虔云富辰周大夫同上杜請召

大叔詩曰協比其鄰昏姻孔云詩毛傳鄰近也孔甚也云旋也

杜本吾兄弟之不協焉能怨諸侯之不睦王說王子帶自齊復歸

于京師王召之也邾人以須句故出師公卑邾不設備而禦之

釋文本亦作御臧文仲曰國無小不可易也無備雖衆不可恃也詩曰戰

戰兢兢如臨深淵如履薄冰又曰敬之敬之天惟顯思命不易哉

**詁**詩鄭箋顯明也毛傳思辭也杜本先王之明德猶無不難也無

不懼也況我小國乎君其無謂邾小蠹蠹有毒詁說文蠹飛蟲螿

人者也蠹毒蟲也通俗文云蠹長尾謂之蠹蠹毒傷人曰蛆按近

人疑通俗文出李虔不知李虔所作係續通俗文唐藝文志分晰

甚清辯已見更生齋集中故此書凡服虔通俗文悉皆錄入以補

服注之缺又按蠹當从說文作蠹惠棟云李翊夫人碑亦作蠹蠹

而況國乎弗聽八月丁未公及邾師戰于升陘我師敗績邾人獲

公胄縣諸魚門詁說文胄兜鍪首鎧也杜本郡國志梁國睢陽有

魚門劉昭注引此傳 楚人伐宋以救鄭宋公將戰大司馬固諫

曰詁晉語晉公子重耳過宋與司馬公孫固相善韋昭注固宋莊

公之孫大司馬固也杜本天之棄商久矣君將興之弗可赦也已

弗聽冬十一月己巳朔宋公及楚人戰于泓宋人既成列楚人未

既濟司馬曰彼衆我寡及其未既濟也請擊之公曰不可既濟而

未成列又以告公曰未可既陳而後擊之宋師敗績公傷股門官

殲焉詩毛傳殲盡也此杜本國人皆咎公公曰君子不重傷說

文傷創也鄭元禮記注創之淺者曰傷不禽二毛古之爲軍也不

以阻隘也寡人雖亡國之餘不鼓不成列子魚曰君未知戰勅敵

之人說文勅彊也春秋傳曰勅敵之人廣雅勅勅武也隘而不

列文選注引作隘而不成列天贊我也阻而鼓之不亦可乎猶有懼焉且今之

勅者皆吾敵也雖及胡耆周書諡法解彌年壽考曰胡胡大也

爾雅耆壽也獲則取之何有於二毛明恥教戰求殺敵也傷未及

死如何勿重若愛重傷則如弗傷愛其二毛則如服焉二軍以利

用也金鼓以聲氣也利而用之阻隘可也聲盛致志鼓儻可也說

說文儻儻互不齊也蓋謂及其成列不齊鼓之 丙子晨鄭文夫

人芊氏姜氏勞楚子于柯澤楚子使師縉示之俘馘爾雅俘取

也李巡曰囚敵曰俘詩毛傳殺而獻其耳曰馘說文作俘馘云軍

戰斷耳也从耳或聲或从首字林云截耳則从耳旁獻首則作首

旁杜注云馘所截耳明當以耳旁為是君子曰非禮也婦人送迎

不出門見兄弟不踰閭爾雅扶謂之閭孫炎曰扶門限也戎事

不邇女器詩毛傳邇近也高誘淮南王書注器物用也此杜本丁

丑楚子入饗石經及宋本並作享于鄭九獻庭實旅百加邊豆六品饗畢夜

出文芊送于軍取鄭二姬以歸叔詹曰史記作瞻呂覽作被瞻楚王其不沒

乎為禮卒於無別無別不可謂禮將何以沒諸侯是以知其不遂

霸也

二十三年春齊侯伐宋圍緡以討其不與盟于齊也穀梁縉作服

虔云魯僖公十九年諸侯盟于齊以無忘桓公之德宋襄欲行霸

道不與盟故伐之史記集解杜取此夏五月宋襄公卒傷於泓故也

秋楚成得臣帥師伐陳討其貳於宋也遂取焦夷城頓而還

水經注焦

引作醢

**註**

地理志沛郡譙郡國志汝南郡城父故屬沛春秋時曰夷

南頓本頓國

杜本此

子文以為之功使為令尹叔伯曰子若國何對

曰吾以靖國也夫有大功而無貴仕其人能靖者與有幾 九月

晉惠公卒懷公命無從亡人期期而不至無赦狐突之子毛及偃

從重耳在秦弗召冬懷公執狐突曰子來則免對曰子之能仕父

教之忠古之制也策名委質**註**服虔注云古者必先書其名于策

委死之質于君然後為臣不必死節也

史記索隱

按此則服訓質為責

責質古字通晉語臣委質于翟之鼓韋昭注質贄也士贄以雉是

章訓質為贄正義申杜質形體也是杜訓質為形質之質合數家

之訓則服義得之矣貳乃辟也**註**爾雅辟舉也今臣之子名在重

耳有年數矣若又召之教之貳也父教子貳何以事君刑之不濫

君之明也臣之願也淫刑以逞誰則無罪臣聞命矣乃殺之卜偃



稱疾不出曰周書有之乃大明服己則不明而殺人以逞

釋文本亦作呈

之不亦難乎民不見德而惟戮是聞其何後之有十一月杞成

公卒註譙周古史考云惠公生成公及桓公書曰子杞夷也不書

名未同盟也凡諸侯同盟死則赴以各禮也赴以各則亦書之不

然則否辟不敏也註爾雅釋樂商謂之敏釋文敏審也高誘呂覽

注審實也按辟不敏蓋辟不實耳

杜同

晉公子重耳之及於難

也晉人伐諸蒲城蒲城人欲戰重耳不可曰保君父之命而享其

生祿於是乎得人有人而校罪莫大焉註李奇漢書注保持也包

咸論語注校報也

杜本

吾其奔也遂奔狄從者狐偃趙衰顛頡魏

武子司空季子註服虔云胥臣白季也

史記集解杜取此

狄人伐虜咎如

註賈逵云赤狄之別種隗姓

同上杜取此

按玉篇虜同牆戰國策趙皆

以荻蒿苦楚虜之漢書鄒陽傳牽帷虜之制李善文選注引韓非

子曰董闕于爲上地守行石邑山中深澗悄加虜深百仞蔡邕石

經論語凡宮牆字从土从音今从唐石經作牆字獲其二女叔隗

季隗納諸公子公子取季隗生伯儵釋文儵作儵叔劉以叔隗妻趙衰

生盾將適齊謂季隗曰待我二十五年不來而後嫁對曰我二十

五年矣又如而是而嫁則就木焉請待子處狄十二年而行過衛衛

文公不禮焉出於五鹿註賈逵云衛地同京相璠曰今衛縣西北

三十里有五鹿城今屬頓丘縣水經注杜同此穆天子傳白鹿一悟桀逸

出走天子乘渠黃之乘口焉五子丘之是曰五鹿按此則五鹿之

名蓋起于此乞食于野人野人與之塊外傳作野人舉塊而與之

器中進之漢書律歷志作乞食于野人野人舉由而與之按說文

由撲也从土从一屈象形或从鬼是塊當依漢書作由為正但釋

文石經等並作公子怒欲鞭之子犯史記作趙衰曰曰天賜也稽首受而

載之及齊齊桓公妻之有馬二十乘註服虔云八十四匹杜取此

公子安之從者以為不可將行謀于桑下蠶妾在其上以告姜氏

姜氏殺之註服虔云懼孝公怒故殺之以滅口同上杜取此而謂公子

曰子有四方之志其聞之者吾殺之矣公子曰無之姜曰行也禮記

疏引此姜下有懷與安實敗名公子不可姜與子犯謀醉而遣之

石經醉上有飲之醒以戈逐子犯及曹曹共公高誘呂覽注共

公名襄昭公之子聞其駢脅駢應作駢說文駢并脅也晉文公駢

合金樓子作駢脇駢論衡作比脇按晉語作駢與說文

本一讀至駢說文廣雅羸袒也羸裸字同浴薄而觀之外傳謀

其將浴設微薄而觀之按微薄即帷薄也音義並同韋昭訓微為

蔽訓薄為迫義較迂曲又按釋文引國語云薄簾也當係賈逵注

國語下脫注字耳高誘淮南王書注云使袒而捕魚設薄而觀之

義亦同杜注本章昭說亦訓為迫然究不若簾字解有實據韓非

子十過篇又作袒裼而觀之僖負羈之妻曰韓非子作釐負羈吾

觀晉公子之從者皆足以相國若以相夫子顧炎武云當以此

絕句按晉語說此事云其從者皆相國也以相一人必得晉國用

彼文相方其義益明必反其國反其國必得志於諸侯得志於諸

侯而誅無禮曹其首也子盍蚤自貳焉乃饋盤飧寘璧焉公子受

飧反璧及宋宋襄公贈之以馬二十乘及鄭鄭文公亦不禮焉叔

詹諫曰臣聞天之所啓人弗及也晉公子有三焉天其或者將建

諸君其禮焉男女同姓其生不蕃註鄭元周禮注蕃蕃息也杜本

晉公子姬出也而至于今一也離外之患而天不靖晉國殆將啓

之二也有三士足以上人而從之三也晉鄭同儕註一切經音義

引舊說儕猶輩類也左傳晉鄭同儕是也按鄭元注樂記亦同杜

此注用鄭曲禮注其過子弟固將禮焉況天之所啓乎弗聽及楚

楚子饗之曰公子若反晉國則何以報不穀對曰子女玉帛則君

有之羽毛齒革則君地生焉其波及晉國者君之餘也其何以報

君曰雖然何以報我呂覽注引作對曰若以君之靈得反晉國晉

楚治兵遇於中原其辟君三舍註賈逵云司馬法從邈不過三舍

三舍九十里也史記集解若不獲命其左執鞭弭右屬囊鞬以與君周

旋呂覽注引作周還**註**爾雅弓無緣者謂之弭章昭國語注囊矢房通俗

文弓檠謂之鞬鄭元禮記注屬猶著也杜本子玉請殺之楚子曰

晉公子廣而儉高誘引作廉而儉文而有禮其從者肅而寬忠而能力晉

侯無親外內惡之吾聞姬姓唐叔之後其後衰者也其將由晉公

子乎高誘引公子下多重耳二字**註**按此衰字當作興字解如古訓亂為治同

與下天將興之興字互文古人往往有此文法天將興之誰能廢

之違天必有大咎乃送諸秦秦伯納女五人懷嬴與焉奉匭沃盥

既而揮之**註**說文盥澡手也春秋傳曰奉匭沃盥鄭元儀禮注匭

沃盥器也杜本按晉語韋昭注揮灑也何承天亦云振去為揮蓋

懷嬴不欲故以手揮灑此水杜注湔也義轉迂曲怒曰秦晉匹也

何以卑我**註**晉語公子欲辭司空季子子犯子餘勸取之乃歸女

而納幣且逆孔晁曰歸懷嬴更以貴妾迎之也公子懼降服而囚

**詁**服虔云申意於楚王伸於知己降服於懷嬴屈於不知己本他

曰公享之子犯曰吾不如衰之文也請使衰從公子賦河水詁韋

昭國語注云河當作沔字相似誤也按杜云逸詩誤劉炫規之是

矣公賦六月趙衰曰重耳拜賜公子降拜稽首公降一級而辭焉

衰曰君稱所以佐天子者命重耳重耳敢不拜

文選天必有大器以壯諸秦秦伯曰文王入朝無與語秦伯曰

其不天孫與之義乎正文書人必至書文王天祿與文選論

春秋左傳詁七

對無勝於內惡之吾聞張敬事於文為其給衰皆出其秩自晉公

晉公二書而命疏文而首數其公皆敵而襄也而謝六晉

文者衰稱之衰謂天書張敬事也王王晉於文也子田

賦詁疏晉公二書而命文而首數其公皆敵而襄也而謝六晉

之舍六十是也疏不辭命其主禮辨明古禮與衰與